



22-6512  
4432-66  
31



Kodak Color Control Patches



蘇州府志卷第一百

人物目錄

文苑五

本朝

史兆斗

陳紹文 子銳 鏐 鏐 子沂 震

俞燦

徐樹丕 子晟 陳三島

河雲

吳炎 張雋 董二酉

韓馨 子樵 孫駢

葉襄 黃始

沈明掄

王煥如

潘樾章 父凱

馮班 子行賢 行貞 弟子武 兄孫修

徐崧

潘陸 子鏐

浦龍淵

許暉 子世忠 世孝

趙灃

沈世奕 子旭初 朝初 子會純

孫承恩 弟賜

錢中諧 兄鏞

錢陸燦 子蜚熊

璜

呼谷

龔賢 周如凱 何灃

繆慧遠 子錦宣 繼讓

宋實源

沈自南

許虬 陸壽君 蔣垣

葉方藹 子淳 弟方蔚

計東 父名 子準 孫元坊 從孫朱培

吳兆騫 兄兆寬 弟兆宜 兆官

徐與喬

盛符升

趙炳 章在茲

馬鳴鑾

九侗 子珍

潘耒 子其炳 其燦 其炳子廷壘

葉奕苞

蔡方炳 兄方燿

黃儀

陸貽典

周慶曾 父士宏

繆彤

葉燮 從子舒崇 舒穎 屈運隆

董閏

范必英 金沈劫 汪嗣文

徐鈞 父韞奇 子養浩

鄧林梓

盛傳敏 楊子水 鄭儒

吳愉

錢會

沈卓 陳帆

瞿有仲 陳祺芳

邵黠

彭寧求

蘇翔鳳 父祖蔭

金居敬

陳學洙 子璋

陳長

錢良擇 王譽昌 邵陵 許徹

蔣夢蘭

陳協 陳玉齊 周臺 陳如璫 龔祥

薛熙

周公贄

孫岳頌

陸肯堂 子秉鑑

張尙瑋

湯方良

曾倬 祖道生 父振甲

金礪

蔡旅平 孫正渠

汪繹

顧二典 兄希喆 從子沈士

吳廷楨

歸鴻 父煥

張大受 父慶孫 兄大純 弟士琦 陳震

周振業

黃容 父允齋 錢霑 霑祖允遴 子盛雲

葉丹桂 父章

馮文瀾 弟文源 文淳 文源 孫應焯 應焯子基

韓孝基 兄子曾 子彥曾

徐昂發

汪份 弟鈞 士鏞 從弟倓

張景崧

姚浩

周龍藻 子汝舟 汝雨

吳世標

周夢顏 父胡晉 子植

蘇州府志卷第一百

人物

文苑五

本朝

○史兆斗字辰伯吳江處士鑑之後先世徙居長洲兆斗少嘗受學於劉鳳王穉登為諸生不得意即棄去力學於古尤博通前明典故下至故家遺老流風佚事無不備熟於中暇則為人抵掌稱說移晷夜不倦恒九喜蓄書所購率皆秘本或手自繕錄積至數千百卷齋居蕭然惟事校讐或偶有所得輒作小行楷疏注其旁為人剛直見少年浮薄者數叱斥之雖其人內愧面發赤弗顧也以此為士大夫所重亦以此取



嫉於人順治乙未年八十餘矣告其友汪琬曰長洲縣志絕  
二種志中所難者人物耳吾刪定已久今老矣無所用之當  
以授子其後亦竟不果後四年卒貧無子以從子為後既死

所藏書俱散佚不存云

汪琬撰傳

○韓馨字幼明長洲人八歲作學窠六字書陽山長雲峯虎邱  
五人墓碣董其昌陳元素賦詩以贈年十三遊郡庠第一入  
南雍司成王某評其文曰文兼韓柳書擅羲獻閩黨阮大鍼  
居金陵慕其才以金帛招致堅拒歸後與黨人獄馨名在復  
社幾陷不測少從劉曙學曙殉難經紀其喪葬之虎邱自是  
絕意進取家遭兵火載粟主遜荒時平卜居洽隱園與鄭敷

欽金俊明諸遺老結社廣生禪院自號少微真人歿鄉諡貞  
文先生著有紺雪堂稿洽隱園遺墨弟昉見孝義傳子樵字  
聲谷行藝兼修從孫暢幼孤貧攜歸撫之讀書成進士晚年  
酷嗜朱子綱目常曰學者懲忿窒欲無踰此書乾隆朝

詔薦舉孝廉方正鄉里以名上謝止之戊午舉鄉飲又辭不赴  
當事重樵行誼禮致四豆焉以曾孫對貴贈光祿大夫樵子  
騏字其武號補瓢貢生潔身植品慎交游事母以孝母歿哀  
毀滅性築室墓居者二年有異稟五歲能辨四聲長而博覽  
書譜嗜史漢等書紫陽書院初建巡撫張伯行彙考生童騏  
年未冠拔置第一屢躋省闈意淡如也工吟詠偕沈德潛聯

社唱和著有補瓢存稿六卷卒年六十一以孫封貴贈光祿大夫騏子是升別有傳家述

○陳紹文字西美吳江人明御史王道曾孫九齡失怙執喪如成人博涉書史年二十中崇禎十二年鄉試明亡絕意進取閉門課子遂於濂洛之學所輯有宋元明儒心學指要年六十餘卒二子銳鏞銳字穎長鏞字霜赤未弱冠相繼為名諸生國初制義承明季之陋詭怪不經銳鏞力宗先正選刻程墨皆醇百篇行世文體由此稍變既久困場屋遂肆力詩古文詞銳登康熙戊辰進士鏞以貢入太學皆未仕卒兩人內行並修取子不苟鏞子沂震字起雷博學工詩由進士歷

官刑科給事中提督山東學政

吳江新志

○葉襄字聖野長洲人少穎敏父教授在外從母張受學銳志經籍為名諸生楊廷樞領袖復社襄執經稱高弟子甲申後隱居不出專工詩律屏鍾譚餘論一以唐人為宗尤工儷語有六朝風致同邑黃始字靜御亦工詩善駢體通志參元新志

○俞粲字受之長洲人幼孤力學年十七補諸生潛心六經尤邃於易晚年隱居山館學者稱芹庵先生所著有論語述說孟子詳說大衍說喪禮報本書論孝詳說先儒言行錄及詩歌序傳五十卷

舊府志

○沈明掄字伯敘長洲人精春秋得安成聞善之傳與同里徐

汧李模鄭敷教友善從遊甚眾崇禎癸酉以恩貢中順天副榜乙酉後授徒自給三十餘年卒所著有春秋辨志全旨及

松窗暇錄鼓缶等集

舊府志

○徐樹丕字武子長州人少補諸生姚希孟器重之妻以女屢試不利益博覽羣籍善楷書兼工八分國變後隱居不出卒年八十八所著有中興綱目識小錄杜詩注子晟字禎起博學工文鼎革時年甫壯即棄諸生從父隱居家貧授徒養親垂四十年康熙癸亥樹丕歿亦六十六矣哀毀得疾營葬甫畢而卒所著有陶園詩集十二卷文集十卷姑蘇續名賢小紀二卷詞一卷家乘識小錄四卷

楊无咎傳時有陳三島字鶴

容與晟善晟稱其負逸才而有奇志古詩追風蘇李律體亦

在王孟間年僅三十七咯血死所著有雪圃遺彙

徐晟存友札小引

○王煥如字至翁崑山人為郡學生屢困場屋嗜讀經史及古今人物罔不探閱明崇禎中巡撫張國維彙訂吳中水利全書多出煥如手後吳縣令牛若麟延修縣志成書五十四卷

極其詳備又有府學志聖恩寺志等書

康熙間縣志

○何雲字士龍常熟人祖錞字言山讀書朱黃不去手書法祝允明雲能古文詞尤熟唐史凡唐人詩有關時事者歷歷指出如目覩後從瞿式耜至閩粵流離十五年

歸舊志

○潘樾章字聖木一字力田吳江人參政志伊曾孫父凱字仲

和邑諸生高才積學德清章日灼其婦翁也來知吳江縣凱  
洪自晦匿惟陰言民間利病雪入冤抑一無所私樞章生有  
異稟穎悟絕人年十五補桐鄉弟子員亂後棄去隱居韭溪  
肆力於學綜貫百家已乃專情史事欲做馬遷書作明史記  
友人吳炎所見畧同遂與同事樞章分撰本紀及諸志炎分  
撰世家列傳樞章長于考核炎長于敘事互相討論撰述數  
年其書已成十之六七會南潯莊氏史獄起參閱有樞章及  
炎名俱及于難莊氏書以故閣臣朱國禎史概爲粉本自與  
茗士共足成之二人未嘗寓目徒以名重爲所摭引旣罹慘  
禍其書所就者亦不傳今所存者今樂府國史考異松陵文

獻社詩博議壬林韭溪集凡若干卷

戴笠  
撰傳

○吳炎字赤溟宗漢子吳江人年亞諸父而才與之埒亂後棄  
諸生隱居教授初以詩文自豪所擬古賦及今樂府皆傳誦  
於時旣而與所善潘樞章共撰明史炎天才矯拔文筆勁健  
所撰世家列傳甚有體裁詳而核簡而明美惡不掩有古良  
史風書未及成遭烏程史彙株連遂及於難同邑諸生張雋  
字文通操行方嚴編趨矩步學者宗之著述甚富綜括帝堯  
以來至明代事蹟爲三部畧數百卷居湖濱之吳淩去南潯  
最近莊氏刻史羅列諸名士於簡端不問知與不知雋亦廁  
名其間遂坐死年六十餘矣雋之表弟董二酉字誦孫亦居

吳淩從雋講濂洛之學踐履真純天懷粹白莊史難作二酉  
前卒竟坐其家松陵文獻續纂  
參吳江新志

○馮班字定遠常熟人復京仲子少為諸生與兄舒齊名連蹇  
不遇遂棄去發憤讀書工詩其詩沈酣六代出入義山牧之  
飛卿之間其論詩謂工死擬盛唐戒不讀唐以後書詩道  
於是大壞於是窮流溯源自三百篇以下一一考其根柢明  
其變化所自其論文謂韓吏部之文古文也歐陽公之文只  
是今文不如唐人四六尚有古意古語書法四體皆能尤工  
小楷有晉唐人風致其為人落拓自喜奴視法度士意所不  
可掉臂去胸有所得曼聲長吟經行市中履陷於淖衣裂其

幅望望去之如無見一人者當其被酒無聊抑鬱憤懣輒就  
座中慟哭人亦不知其所以班行第二時稱為二癡云所著  
有馮氏小集鈍吟詩文集雜錄行世子行賢字補之弱冠能  
詩嘗舉博學鴻詞工書法尤精篆刻匹文三橋弟行貞字服  
之侷儻不羈善擊劍攢槩投石挽強嘗從康親王南征有功  
棄之歸仍事筆硯間工畫松石又班弟知十子武字實伯亦  
能詩善書著書法正傳二卷遙擲橐十卷班兄舒之孫修字  
念修從陳瑚游安貧自守工詩著東村仙源詩舊志  
徐松字松之吳江人少從史元遊善詩好山水著有百城煙

水九卷縣志  
別錄

○呼谷字德下崑山人曾祖承惠撫于曹遂冒其姓谷初名簡  
在性嗜學夏夜讀書納足囊中避蚊蚋崇禎初補諸生後謝  
去復姓更名谷工詩葉方藹采入獨賞集

崑新志

○潘陸字江如吳江人明諸生一桂子縣學生遭亂棄儒冠轉

客江湖間僑居鎮江時往來故土與邑中俞南史朱鶴齡顧

樵背相倡和著有穆溪集子鏐字雙南亦能詩著有飲人集

錢坫黃溪志

○龔賢字半千崑山人移居上元能詩黃周星周亮工朱彝尊  
皆推許之嘗梓中晚唐詩紀行世兼工書法行草雄奇奔放  
仍不失矩矱與同邑周如凱何灑皆以詩名而賢尤著如凱

字元暘戊申己酉間與四方名流賡和於嘉定之東岡陳瑚

為之序灑字方衡兵燹後僑居吳江門多長者車家貧喜作

詩長歌當泣讀者悲之

崑新志

○浦龍淵字潛夫吳江人精易學順治中大學士洪承疇經畧

西南五省辟置幕中奏授城步知縣後罷歸所著周易通十

卷周易辨二十八卷采眾說而會通之論者謂其可以翼往

聖而開來學

經義考參精華錄注

○繆慧遠字子長吳縣人參政國維子順治丁亥進士知壽陽

縣以耿直忤大吏謝病歸慧遠少工制義晚肆力古學尤邃

於詩嘗與人論詩曰龔漢魏六朝之形而不知所歸宿者妄

也畫唐宋為鴻溝而不知所變通者固也不學而妄託宋人  
 以文其空疎者陋也詩自我作奈何以一二古人限我老益  
 嗜學年八十五卒有寧齋詩藁二十卷子錦宣字鈞聞康熙  
 癸丑進士官檢討繼讓字虛良康熙戊辰進士官龍游知縣  
 皆能詩舊志

○許瑤字文玉常熟人明祭酒士柔子順治壬辰進士歷工部  
 都水司郎中管衛輝等處河務擢知廣平府分巡河西轉川  
 北參政著孝經約註一卷竹廣詩集十二卷子世忠字貞服  
 世孝字念皇俱副貢以詩名世忠詩力撫香山世孝著有隅  
 一集六卷縣志

○宋實穎字既庭長洲人少為諸生受知于徐汧順治辛卯舉  
 順天鄉試與吳下諸名人倡慎交社聲譽籍甚後以江南奏  
 銷案註誤康熙戊午復還舉人已未以博學宏詞 召試罷  
 歸久之授興化教諭課士尚經術斥浮夸歷十六年告歸諸  
 生祀之學宮旁實穎淹貫經史詩文典雅為詞壇名宿侍講  
 繆彤少從受經其學得于實穎者為多而宅心淳厚喜獎拔  
 後進以故人益重之年八十五卒所著有老易軒文集三十  
 卷春秋拾遺十二卷約其子景琪撰行述

趙震字山子吳江人明甌寧知縣庠子順治八年舉人善屬  
 文尤工古今體詩出入隨州香山之間初在慎交社與同邑

吳兆騫計東並為崑山徐乾學所推重既而與顧有孝鈔選詩文名播海內屢上公車不第就江陰教諭卒

震澤新志

○汪琬字茗文長洲人少孤自奮讀書五行俱下舉順治十二年進士觀政通政司假歸銳意為古文辭以起衰自命尋授戶部主事分司大通橋進員外郎改刑部遷郎中河南民張潮兒以報母讐殺其族兄三春巡按御史論潮死琬為復讐論引律文罪止杖為據以奏銷案降北城兵馬司指揮兵馬司秩卑職冗左官者多偃蹇不屑意琬剛直不撓理冤誣決疑獄懲姦豪任滿去民炷香攜酒送者塞道復為戶部主事權江寧西新倉以病假歸結廬堯峯山益閉戶著書家居九年以博學宏詞 召試授編修與修明史在史館六十日撰史藁百七十篇即杜門稱疾踰年仍告歸歸十年而卒年六十七琬之為文根柢六經浸淫史漢取法唐宋元明諸大家立言命意皆有所本嘗自言吾文從廬陵入非從廬陵出於易詩書春秋三禮喪服咸有發明其敘事尤有法度一時名公鉅卿誌銘表傳必以琬為歸性伉直不能容人過雖賢人文士交游遍天下而忌之者亦眾自知不容于流俗故前後閒居二十餘年泊然自樂也所著鈍翁類藁百十八卷自刪定為堯峯文鈔五十卷並行于世

陳廷敬撰墓志

○沈世奕字韓倬吳縣人順治乙未進士官翰林請假歸杜門

讀書賞識尚書韓菼於未遇時人服其精鑒子旭初字寅生  
康熙丙辰進士官編修朝初字洪生康熙己未進士官侍讀  
並工詩文朝初子曾純字天維康熙丁丑進士選義烏知縣  
有善政

江南通志

○沈自南字留侯吳江人副使琬少子順治乙未進士授蓬萊  
知縣清介自矢失大吏意被劾去尋卒自南與諸兄皆以文  
學有盛名鄉里以為美談所著有藝林彙考二百餘卷歷代  
紀事考異樂府箋題等書

葉志

○孫承恩初名曙字扶桑常熟人為諸生負才標望以選牘文  
體不正被論除名又以太學生領順天鄉薦順治戊戌殿

試第一授修撰數被顧問寵遇日隆從幸南海子

賜騎

御閑名馬適大風揚沙中寒疾卒年僅四十承恩為人孝友  
文工六朝詩學溫李書法歐陽邑人以狀元登第者自承恩  
始弟暘字赤厓少游文社名與兄埒順治丁酉舉順天鄉試  
科場事發為人牽連戍尚陽堡

聖祖東巡獻頌萬餘言 召至幄前賦東巡詩試以書法

上歎惜其才大學士宋德宜疏薦不果用久之還里所著有蔗

庵集

沈暘日撰傳

許胤字竹隱長洲人順治戊戌進士授思州府推官再遷永  
州知府其制義文彙家苙戶誦所著有周易注解等書同邑

陸壽名字處實順治壬辰進士官寧國教授蔣埴字曠生順治辛丑進士官樂清知縣皆以文學著稱於時通志

○錢中諧字宮聲順天府昌平衛籍吳縣人順治戊戌進士康熙己未舉博學鴻詞授編修纂修明史乞假歸中諧學問淹貫為諸生時請減蘇松浮賦條議三吳水利皆切於國計民生時文雄贍敏捷惜多散失兄鍊字鍊百少受業於徐汧為諸生試輒冠其儕居家孝友年八十無疾而終所著有篋裯

集湘耘編

新縣志

○葉方藹字子吉崑山人重華子順治己亥進士第三授編修歷升講讀學士屢被顧問康熙癸丑 賜宴瀛臺撰八箴

以進

聖祖善之命撰太極圖說

賜貂裘文綺主己未會試甄拔

孤寒謝絕請託人服其公會修明史

詔舉博學鴻詞特

命校閱試卷宿學無不中選累遷刑部右侍郎卒於官贈禮

部侍郎

賜金營葬諡文敏子淳字淵發康熙戊辰進士

官檢討方藹弟方蔚字敷文舉鴻博不赴以歲貢生卒

崑新志稿

○錢陸燦字湘靈常熟人高才嗜古為經義清真老硬順治丁

酉鄉舉第二科場弊發覆試者再名皆前列未幾以糧案註

誤教授毘陵金陵間詩歌骨力雄厚一掃浮靡古文不名一

家磊落自喜晚年偕徐乾學王日藻秦松齡周金然尤侗黃

與堅等為耆年會陸燦無位而齒最長名最高諸公皆兄事之手修邑志有調運齋集若干卷陳志子蜚熊字鷹揚康熙戊

午舉人

○計東字南草吳江人父名字青麟故名士東自幼好跳盪父友吳翮獨器之妻以女年十五補諸生文譽日起遭亂家居取經史諸書盡讀之講求義理指歸治亂得失之要旁及權衡兵法陰陽占候之術嘗著籌南五論上閣部史可法可法奇之順治丁酉舉順天鄉試 御試第二名動長安三試

禮部不第旋遭奏銷案被黜既放廢不得志出游四方嘗自京師北走宣雲南歷洛漳邢魏東之濟兗所至結交賢士大

夫詩文縱橫跌宕務極其才力而後已對客議論風發一座

盡傾時或憤激怒罵人皆以狂目之卒年五十二所著有改

亭集舊志長子準字念祖早慧年十四補諸生十六而天次子

默字希深孺染家學尤工于詩屢試不遇以貢入太學有菴

村詩鈔默子元坊字維嚴博覽多聞務為有用之學亦工詩

有春山集東從孫朱培字傳一好學為諸生著有尚書外傳

瓊字文珍乾隆庚辰順天副貢官濱州州判卒工詩善畫東

所著改亭集瓊重刊瓊所著有籌山詩彙江震新志參續志彙

○吳兆騫字漢槎吳江人晉錫子少有雋才童子時作膽賦累

千餘言見者驚異與兄兆寬兆宮同與慎交社名聞遠近為

人簡傲不拘細行順治丁酉舉于鄉科場事發遣戍寧古塔在塞外二十餘年日與羈臣逐客飲酒賦詩氣壯而才麗諸大帥皆敬禮之康熙癸亥獻所作長白山賦

聖祖覽而稱善友人大學士宋德宜捐金贖之得釋歸逾年卒所著有秋笳集兄兆寬字宏人兆宮字聞夏並工文兆騫被放二人家亦破遂絕意進取專精于詩兆寬有古香堂文集愛吾廬稟兆宮有椒亭詩稟季弟兆宜字顯令有箋註徐孝穆庾子山李義山韓致堯諸集其徐庾二集箋並行世人服其博洽

舊志參縣志

○徐與喬字揚貢崑山人明刑部主事申之後少從朱集璜游

肆力經學及古文辭順治辛丑成進士以奏銷註誤遂絕意仕進專事著述取經史子集有關世道人心為文章根柢者采擇評註以類相從歷數年而成名曰辨體學者稱之卒年

七十三

崑新志稟

○周慶曾字燕孫常熟人父士宏有孝行慶曾中順治戊戌會試念父母年老試訖即歸辛丑父遣赴殿試仍乞假歸居

十二年連丁內外艱以篤孝聞康熙壬子補內閣中書分校京兆試戊午舉博學鴻詞授翰林院編修分纂明史攷核精詳甲子主浙江鄉試未入闈卒著有研山遺稟祀鄉賢

常昭新志

○盛符升字珍示崑山人康熙甲辰進士授內閣中書晉禮部

主事至監察御史尋罷歸己卯

聖祖南巡符升年已八十五獻兩京賦三駕平朔賦會同館賦

御書年登大耋四字賜之明年卒符升少師事雲間夏允彝太

倉張溥鄉舉出新城王士禎之門早有文譽耄而好學著述

甚富有誠齋詩藁及崑山志

崑新志藁

○繆彤字歌起吳縣人國維孫父慧隆以孝友稱彤少異敏早

擅文譽康熙丁未 殿試第一授修撰升侍講父艱歸澹於

宦情不復出家居二十年杜門不與世事惟率鄉之後達講

學課文嘗立三畏書院刊明儒曹月川家規蔡虛齋密箴劉

念臺證人會約以為標準學者稱雙泉先生巡撫湯斌內

召奏吳中薦紳以道義自持者彤為首卒年七十一所著有雙

泉堂集四十二卷

郭琇志

○趙炳字明遠長洲人徐聞令一鶴孫少為諸生見稱于楊廷

樞徐汧文筆超雋獨冠一時順治甲午舉于鄉至康熙丁未

成進士年已老矣未仕卒同里章在茲字素文自明季至順

治間前後所選制義名曰清音風行海內顧久困諸生丁酉

始中副榜入太學方謁選病卒

舊志

○葉燮字星期嘉善籍吳江人紹袁子康熙庚戌進士授寶應

知縣以伉直忤巡撫慕天顏被劾歸燮天才卓犖長詩古文

辭千言立就其論文以不蹈襲前人能自立言為主論詩以

杜韓蘇三家為宗既放廢遍遊名山胸有感觸一發於詩晚居吳之橫山構小園顏曰獨立蒼茫處著述其中巡撫宋學重其名嘗減從來訪辭不見犖曰獨立蒼茫處容一到否延竚久之乃去燮亦不往報也所著有已畦文集二十卷詩集十卷原詩四卷殘餘一卷及吳江寶應陳留儀封等縣志並行世

吳江新志參吳縣新志 先是吳江有屈運隆縣志有成稟燮重修之運隆字駿聲邑諸生以孝友稱於家燮從子舒穎舒崇舒崇字元禮幼有神童譽及長詩古文名振一時遊京師公卿稱美不置康熙十五年進士授中書舍人舉博學鴻詞不及試卒于京邸年三十九所著宗山集謝齋詞行世舒穎字學

山順治間中副榜工詩為徐白顧有孝所稱許

江震新志參詩徵

○馬鳴鑾字殿聞崑山人玉麟孫登康熙癸丑進士選庶吉士授編修丙辰分校禮闈所得皆名宿鳴鑾少好學屢困秋闈益自發憤尤邃于經義於箋註傳疏博綜貫穿無不分晰其同異而標記之引疾歸焚香獨坐門無雜賓故人有勸駕者領謝之而已

崑新志稟

○董閻字方南號如齋吳江人十歲解五經大義與羣兒遊處恒拱手危坐識者知其不凡康熙十二年成進士選庶吉士以

御試第一授檢討在翰林十餘年纂修會典注禮經盡職不懈

遷國子司業校文拔士悉虛公除宿弊甫三月聲譽大著丁外艱歸以哀毀卒遺言用衰服殮人傷其死于孝云所著有

清慎堂集若干卷

本錢志

○尤侗字同人一字展成號悔庵長洲人生而警敏博聞強記有才名歷試不利以貢謁選除永平府推官不畏強禦坐撻旗丁鐫級歸初侗作詩文流傳 禁中

世祖覽而稱善嘗問其門人修撰徐元文爾師年幾何以何事降調當補何官有意用之不果康熙十七年始以博學鴻辭召試授檢討纂修明史分撰列傳三百餘篇藝文志五卷居三年長子珍登進士選庶吉士侗遂告歸家居鍵戶著書求

詩文者無虛日侗亦應之不倦己卯

聖祖南巡至吳侗獻平朔頌萬壽詩

御書鶴栖堂三大字賜之癸未

駕復南巡卽家晉侍講明年卒年八十七所著西堂雜俎良齋

雜記及文集餘集共百餘卷並行于世珍字慧珠一字謹庸

康熙壬戌進士入翰林遷右贊善念親老乞養歸遂不復出

年七十四卒珍恬退好學尤喜爲詩初宗唐人後出入蘇陸

所著有滄湄詩鈔介峯劄記等共五十四卷

朱彝尊潘耒集元和縣志合纂

○范必英字秀實吳縣人初名雲威參議允臨子幼孤能奉母

訓順治丁酉舉順天鄉試康熙己未以博學鴻詞徵授檢討

纂修明史分纂事畢卽謝病歸居鄉廉靜罕至公府家有萬卷樓藏書甚富日誦讀其間凡禮樂刑政兵農水利之書以及文章家源流高下歷歷能指數所爲詩古文詞綺麗雅馴晚喜汲引後進從遊者二百餘人拔其尤程課之手自甲乙講解不倦年六十二卒

韓莖撰行狀 江南通志必英門人之尤著者吳縣金沈劼字以時長洲

汪嗣文字山 文並拔貢生

○潘耒字次耕吳江人樞章弟幼穎異讀書日百行初從兄學又師事徐枋顧炎武淹貫羣書工詩古文辭兼長史學康熙十七年以博學鴻詞徵試授檢討纂修明史耒以史事重大條上四議總裁然其說令專撰食貨志兼訂定他紀傳充

日講起居注官纂修

實錄

聖訓壬戌充會試同考官得士十二人皆天下選後二年甄別議起忌者坐以浮躁降調遂歸四十二年

聖祖南巡復耒原官大學士陳廷敬欲薦起之力辭而止耒有至性事母孝居喪哀毀骨立於師門之誼尤篤徐枋隱居數十年家計蕭然臨歿以孤孫相託耒爲謀置生產又捍衛其外侮顧炎武所著日知錄多經世大業耒在閩中有贈買山資者舉以刻之始得傳世生平好著述與遠遊凡黃廬天台雁蕩武夷羅浮諸名山盡窮其勝記以詩文其學旁及歷法

算數宗乘道藏於聲韻反切能通其微所著類音八卷遂初堂詩文集四十卷並行於世卒年六十三

舊府志

長子其炳字

文虎一字著公

恩貢生未延周龍藻課子龍藻工詩其炳

得其指授未出游家政悉委其炳未倦遊歸病篤其炳陰割

臂肉置藥中以進卒不起其炳既遭父母喪卜葬地遂精堪

輿之術性恬淡友愛諸弟篤于師門信道尤篤臨卒戒其子

毋作佛事與行狀所著有地理志賦役考等書乾隆十一年

修邑志多本之未之著作皆其炳所刊卒年七十二其炳子

廷璵字雅奏博學工詞賦書法真草兼擅為邑名諸生虞山

王御史峻見其蘇臺懷古賦贈詩曰松陵才子稼堂孫文采

風流奕葉存屢困棘闈以詩酒自娛後應辰州觀察黃某聘

修志乘卒於辰州有認齋詩藁未少子其燦字景瞻康熙末

舉人好學工詩早卒有詩集三卷

江震續志藁參吳江新志松陵詩徵王曾翼居易堂

集

○徐鉞字電發吳江人父韞奇明諸生好古博學明亡杜門著

述以終鉞幼穎敏年十三賦詩有驚人句長益工詩古文辭

又善畫山水入慎交社聲譽日起康熙己未以博學鴻辭徵

試與邑人潘耒同授檢討纂修明史會有翰林外轉事鉞以

忤權貴意亦在遣中遂拂衣歸性好遠遊東入浙閩歷江右

三至兩粵一至中州所至與名流勝侶相題詠時

上數南巡兩 賜御書 詔以原官起用竟不就年七十

三卒鉞少時所刻菊莊詞朝鮮貢使仇元吉見之以金餅購

去貽詩曰中朝攜得菊莊詞讀罷煙霞照海湄北宋風流何

處是一聲鐵笛起相思其為遠人所慕如此所著有南州草

堂集三十卷詞苑叢談十二卷本事詩十二卷子養浩精水

利之學巡撫張伯行聘修吳中水利書未成彙藏于家舊府志參

吳江新志孫大椿別有傳

○葉奕苞字九來崑山人工部主事國華子少師事葛芝葉宏

儒務根柢之學工詩文善書法康熙戊午舉博學鴻詞罷歸

築半繭園與名流流連觴詠間集秦漢以來金石碑刻辨證

隸釋最詳核又作太甲改元周公居東周詩用周正辨諸篇

于經義多所發明與盛符升輩豫修縣志未竣而邑令董正

位罷官奕苞乃益悉心搜訪別成志彙二十二卷條分縷析

為他志所不及崑新志彙

○鄧林梓字肯堂常熟人韋曾孫年十三作空谷詩見賞於程

嘉燧人以鄧空谷呼之高才淹雅以博學宏詞被薦入都卒

有集若干卷府縣志合纂

○蔡方炳字九霞號息關崑山人懋德次子少補長洲諸生性

嗜學博涉羣書於理學政治典故多所纂輯兼工篆草兄芳

禧字涵之痛父殉闖賊之難絕意仕進隱居以老雖屢空不

肯干人卒日貧無以殮通志

○盛傳敏字訥夫崑山人幼孤事母以孝聞師事太倉陳瑚于象緯兵農禮樂靡不通曉從軍閩中旋棄去遊跡幾遍天下後入都館朝貴家未嘗輕出投一刺遇故鄉親友困阨旅邸者輒傾囊相濟喜飲工詩與同邑楊子水鄭儒纂釋唐詩多前人所未發子水字西池諸生善草書得邱龍門之傳儒字魯一兩人文行相同與傳敏稱三友崑新志纂

○黃儀字子鴻常熟人熟精輿地之學凡郡邑建置沿革與山川之險易脈絡畫圖著說縷析條分能補桑臚所未及徐乾學修一統志多用其說會志

○吳愉字敬生長洲人生而端慤言規行矩工舉子業授徒數十輩日披閱數百牘不少倦每當省會試索閱他人闈牘決其雋否不爽毫黍而已獨屢蹶僅以歲貢授溧水訓導勤于課士學使者為書經義齋額以贈之年八十卒門人私諡端

仁先生通志參舊府志

○陸貽典字敕先常熟人博學工詩其論詩謂法與情不可缺一言法者如唐詩品彙吟卷文鑑之選非詩法也言情者曰詩主于趣不必問學趣主于新不必合理此詩歸所謂情非詩情也原本風騷別裁偽體著元要齋漸于詩集工書法漢

隸尤勝

會陳二志合纂

○錢曾字遵王常熟人少學于族祖謂能紹其緒撰吾炙集標  
曾詩為首絳雲樓燼餘書集及詩文彙悉付藏弄述古堂藏  
書多善本撰讀書敏求記識其源委所著詩有交蘆判春諸

集

曾陳二  
志合纂

○沈卓字秋士常熟人諸生家貧居市廛超然物外有竟體芳  
蘭之致詩格近孟東野李長吉有中峯東村諸集同里陳帆

字秋浦詩字畫稱三絕人亦狷潔

陳志

○陳協字鄴仙常熟人工詩詞阨窮潦倒家城西山麓日與馮  
班輩上下巖谷清詞麗句下筆下能自休有鶴山曠谷諸集  
同時陳玉齊字在之周臺字雲書皆以詩名又陳如璫字子

兼龔庠字勤僧皆攻詩窮餓而死

陳志

○瞿有仲字有仲常熟人純仁孫少游陳瑚之門與人交常呐  
呐不出口對知己則辯論泉湧驚其座人其詩亦多鬱勃感  
激之概著焚餘集同里陳祺芳字子壽為諸生客遊遍天下  
詩文豪宕有逸氣著韜庵鷗波諸集

陳志

○薛熙字孝穆常熟人游孫永祚汪琬之門肆力古文詞著依  
歸集謂遵守歸熙甫法程也選刻明文在百卷

曹志

○邵黈字蘭雪先世餘姚人遷蘇州少孤事母孝刻苦為文工  
書得虞褚法畫似雲林入都遊太學見知于柏鄉魏裔介龔  
鼎孳施閏章皆與之游五試不售卒于京有燕遊詩三卷

縣志

○周公贄字觀侯吳縣人居林屋山中讀書嗜古放情高蹈而詩名籍甚汪琬葉燮皆重之松江周金然卜居石公山相與賡和其詩疎放曲暢似眉山清婉流逸似石湖晚年自作風格亦時有見道語所著有編年集足徵集

○彭寧求字文洽長洲人少孤事母孝祖行先課之不輟于學康熙壬戌以第二人及第授編修恬澹無競工詩古文善晉唐小楷及宋元詩居母喪朝夕哭泣卽喪次羅列禮經編纂成帙服闋入都升中允分纂殿閣諸書以勞卒官年僅五十

通志元和志合纂

○孫岳頌字雲韶號樹峯吳縣人康熙壬戌進士選庶吉士授

編修歷右贊善侍講侍讀左庶子國子監祭酒擢禮部右侍郎仍管國子監事岳頌爲諸生時嘗割股愈母病入翰林以能詩善書受知

聖祖嘗 召入內殿 賜坐論古今書法每有

御製碑板必 命岳頌書之居官廉謹進位司成故鄉尙無一椽以居

聖祖特命賜第一區并賜買田銀一千兩里黨癸之年七十奉旨校勘二十一史卒于官通志

○蘇翔鳳字苞九常熟人父祖蔭順治壬辰進士除戶部主事督理清江糧餉以廉幹稱忤勢要鐫秩後署泰安州事卒於

任翔鳳積學嗜古收名早而遇合遲性伉直雅不喜俗士康

熙壬戌登進士知沂水縣半月遽卒 會陳二孫本潔別有傳志合纂

陸肯堂字邃升長洲人幼穎悟日誦數千言為文信筆而成

凌厲頓挫康熙乙丑會試 殿試皆第一授修撰丁卯主試

江西所得多名士充 日講官起居注歷左右中允侍講侍

讀 朝廷大著作多出其手未幾卒年甫四十七 張伯行長撰墓誌

子秉鑑字冰言康熙癸未進士選庶吉士次子賜書自有傳

○金居敬字穀似長洲人明太僕少卿士衡曾孫少負才名邃

於經史八大家為文取法歸有光遊京師三十年屢躋場屋

嘗舉博學宏詞又見黜康熙乙丑成進士年已暮矣知靈邱

縣人吏浹和未幾卒於官 通志

○張尙瑗字宏蘧吳江人康熙戊辰進士選庶吉士改興國知

縣尙瑗初好庾子山集熟文選工駢體文中歲頗自悔專為

古文辭晚年究心春秋三傳及國語國策於註解多所補正

生平以書卷為行厨出入必載與俱以多聞強識聞於世事

多遺忽其罷官而客江右也當事聘主豫章書院尙瑗創立

規條以古學相鏃礪所獎振皆成名 震澤新志

○陳學洙字左原長洲人明湖廣提學僉事允升曾孫父衷惻

自崑山徙長洲學洙少孤事母孝與弟學泗孿生相友愛肆

力於學有聲文社康熙甲子舉順天鄉試以子璋貴遂不仕

爲人寬厚而有特操妻劉氏早亡念同貧苦遂不再娶亦不畜婢妾戊辰會試主司徐乾學先期羅致諸名士有友約學泐往會行至中途忽自念曰吾生平未嘗有私請中不中命也半世守節老而失身可乎竟不往年六十二卒所著有響山文集西田詩草璋字臨湘康熙甲戌進士選庶吉士授編修充日講起居注官歷遷侍讀學士提督順天學政舊志以記注未當被議罷官丁父憂歸尋卒著有東冶集十卷李果撰傳

○湯方良字恭允吳縣人寄籍桐鄉爲諸生少孤勤學屢試不售遂專意著述所著有羣經本義史類編年洪範皇極內篇解河圖洛書辨理學淵源論金石考及詩文千餘篇卒年四

十九 新縣志

○陳萇字玉文吳江人康熙三十六年進士知桐廬縣在任六年政聲遠聞丁外艱歸年五十卒萇少工制義旣而從吳祖修學詩得其指授與同邑周振業龍藻陳沂震許運昌皆以詩名桐廬當山水佳處政暇輒登臨嘯咏其詩益清真淡遠論者謂得江山之助所著有雪川集震澤新志

○曾倬字漢瞻常熟人祖道生字立甫精於三禮父振甲字鷺公少與兄肇甲相切劘以孝友聞順治丁亥成進士除貴溪令未之任卒倬少孤力學有聲太學康熙己卯舉於鄉兩試禮部後以母老不復往讀書破山寺涵養有得集古人文之

不叛於道者為習是編一百十卷修常熟志八卷

陳志

○錢良擇字玉友常熟人性倜儻與人交必出肺腑意所不可盡言招過弗顧也游歷幾遍天下所至以詩酒意氣與知名士相結為詩豪放感激有撫雲集選唐詩審體行世同里王譽昌字露潛為諸生工詩善畫刻苦鍛鍊著崇禎宮詞含星集話山自選若干卷邵陵字青門工古文為詩多發天然格律在眉山劍南間許徹字暘谷詩豐腴工穩有秋樹軒集

陳志

○金礪字元台吳縣人諸生家東洞庭山年七歲登莫釐峯賦詩時號神童及長操履端方居家孝友讀書講學寒暑不輟平湖陸隴其崑山朱用純咸器之為文根柢六經出入八家

究心六書尤工篆隸

舊志

○蔣夢蘭字芳似本金壇人父徙居吳夢蘭好吟咏尤善古體以清真勁拔為宗崑山徐昂發歎其神似孟東野張文昌有

香山詩彙二卷書法尙瘦硬蠅頭小楷率皆懸臂書之

縣志

○蔡旅平字文若西洞庭人蕭散簡遠有遺世獨立之概終身不事生產日與其友乘扁舟嘯傲山水間屬善繪事者圖其迹又自作洞庭紀勝一集屬工書者書之文章不尙纖縟記序有柳子厚風格詩在溫李之間晚年築天際樓春草堂以自娛因又號天際主人孫正渠字丕式府庠選貢工制藝有詩文彙若干卷

林屋民風

○汪繹字玉輪其先自休寧徙常熟康熙丁丑會試第三庚辰殿試第一授修撰癸未會試同考乞假送親歸乙酉奉

命編校唐詩於揚州明年事竣而卒繹少年高科文詞敏贍書法秀整而謙退不矜醞藉多風旨臚唱日馬上口占有歸詩

未營千畝竹浮生只辦十年官之句竟符其言

會陳二志合纂

○韓孝基字祖昭長洲人蒞之子少承家學能文章登康熙庚辰進士入翰林時蒞為掌院學士父子同官禁近而退然如寒素乞假歸里旋丁父憂養母十餘年不離左右事伯兄若嚴師友愛諸弟無間言雍正初 召修明史以原銜食俸事竣移疾歸掌教紫陽書院課諸生為文必準理法善三禮之

學於詩喜陶淵明因自號東籬子乾隆十六年春

上南巡孝基年八十有八矣 召見行宮慰問者再自浙回變

御書家學者儒四字額

賜之閱二年卒年九十

彭啟豐撰傳參元和新志

兄子曾字續古雍正丙午與孝基子彥會同舉鄉試治古文

宜興儲大文深器之乾隆元年薦舉博學宏詞後官泗州學

正

鶴徵後錄

彥曾字瀝芳雍正庚戌進士官至洗馬

舊志科第表

○顧三典字有常長洲人少師兄希喆希喆敦崇實行不務名譽為汪琬高弟古文及舉子業悉根據六經屢試不售絕意進取教授生徒以歿子求懿諸生力學能文尤工書早卒三典為文超曠雄雋而一繩以法登康熙庚辰進士未仕而卒

姪沈士字麗天康熙乙未進士子福衍歲貢生皆能文

長洲新志

○徐昂發字大臨長洲人少負才名博學工詩兼精書翰為時

所稱登康熙庚辰進士由庶吉士授編修提督江西學政所

著有乙未亭詩集畏壘山人詩文集畏壘筆記

舊志

○吳廷楨字山掄長洲人夙慧工文康熙丙子舉順天鄉試以

寄籍被黜己卯

聖祖南巡廷楨獻迎鑾詩得復還舉人奉 召入 南薰殿

癸未成進士選庶吉士授編修歷諭德纂佩文韻府月令輯

要以勞卒于官

通志

子士端別有傳

○汪份字武曹長洲人明廣東布政起鳳曾孫年十四隨大父

沂州知州希汲任希汲以官通繫獄份侍側讀書晝夜不休

獄吏奇之康熙癸未成進士選庶吉士授編修六十年出督

雲南學政未行而卒份未第時與同里何焯評選有明以來

諸家制義名重一時增訂四書大全為學者所宗既官翰林

留心典故於天文河渠兵制鹽政錢幣咸有撰述惜皆未行

弟鈞字右衡康熙壬午舉人句容教諭善屬文嘗箋註陸宣

公集士鉉字文升工詩古文尤善書法行楷秀逸獨步一時

康熙丁丑會試第一由庶吉士授編修入直 南書房官至

左中允著述甚多從弟倓字安公弱冠文名籍甚康熙辛未

進士官編修早卒

通志元和縣志合纂

○歸鴻字既垣常熟人允肅從子父煥記覽該博著有經疑史測鴻以上海籍登康熙癸未進士知西華縣報最未及遷而

歸鴻少貧窶既官貧如故詩文書法俱工

縣志

○張景崧字岳未吳縣人康熙己丑進士官樂亭知縣學詩于

葉燮稱入室弟子論詩以新鮮明麗為主謂與其為假王孟

不如為真溫李以王孟可偽為溫李不易偽為也王阮亭尚

書比之韓門張籍

吳門補乘

○張大受字日容其先嘉定人祖徙長洲父慶孫順治甲午舉人廬于匠門溪上聚徒說書學者稱履素先生大受弱冠卽以能文受知韓茨康熙庚午舉於鄉是科江南得人最盛而

大受闢墨尤傳誦天下數上春官不第名日益起四方造門

講藝者無虛日大受亦勤于接引喜獎借以故人彌親附焉

己丑始成進士選庶吉士授檢討庚子主四川鄉試歸途奉

命視學貴州黔中荒陋大受教諸生以讀書之法設書院義學

為置田資膏火拔士之尤者給之風氣為之一變

世宗聞其有聲 命再任未幾卒于官大受詩文超雋尤長

於駢體有匠門書屋文集二十卷兄大純字文一與吳江徐

崧同撰百城烟水又自撰三吳采風類記十卷弟士琦字天

申康熙甲子副榜知永新縣有善政坐事去官民為罷市亦

能詩所著有繭岫秋山稷存等草又諸生陳震字彥瑜大受

女婿也從何焯游能詩工書法性孝友篤於交道臨川李紱

撰墓表極稱之

舊志參補乘

○姚浩字謹行吳縣人文毅公希孟之裔穎敏力學好古博覽

法書名畫鑒別最精工詩文康熙中為澧州判官地雜苗夷

慣用蠱術浩宣布恩威俗以丕變條議開河百里以濟遠近

未就乞歸老於崑山之張浦以書法名聞四邑自謂得黃庭

九宮遺法晚益以平原釵股漏痕自負學者咸寶貴之

崑新合志

○周振業字右序吳江人明御史宗建曾孫以歲貢中雍正癸

卯副榜少受業于桐鄉進士朱彝邃於理學為文能抉先儒

之闕奧從遊者數十百人敦于行誼所得修脯悉以散宗鄰

之貧者嘗遇故人子於途哀其衣單即解衣予之忍凍而歸

因感疾卒年七十一所著有意庭集

舊志

○周龍藻字漢荀吳江人振業從弟性嗜學博覽羣書尤精于

詩兼長史學多識前朝典故久困諸生以歲貢終所著有恒

齋詩集十卷文集十卷子汝舟字道夫府學生乾隆元年薦

舉博學鴻詞著有悅汀詩橐汝雨字純夫邑諸生博學工詩

乾隆元年薦舉孝廉方正著有六浮吟橐

舊志參詩徵

○黃容字敘九吳江人祖應熊字渭飛諸生乙酉抗節死容少

好學能詩多從長者遊有名于時生平喜談忠孝節義事凡

所聞見必纂述之有卓行錄忠烈編等書同里錢霑字上沐

祖允遴有孝行霑為人重厚學務博覽好網羅舊聞嘗為吳江續志又有廣唐類函等書凡百餘卷以歲貢生終

江震新志

○吳世標字赤霞吳江人為入嶽嶽歷落弱冠即以詩文噪吳

下下筆千言立就既而貢入成均韓文懿公莖目為國士康

熙乙酉戊子兩中副榜生平足跡幾半天下所至皆有吟咏

其南歸留別序云十年洛下染盡緇塵七戰棘闈燒殘紅燭

雲英座上獨憐君未成名山鬼道中但笑人咸作郡讀其詞

者莫不惜其才而憐其遇云

松陵詩徵

○葉丹桂字丹宮吳江人父章字公采自秀水遷同里崇禎十

六年副榜出陳子龍門故與楊廷樞善廷樞遇害章偕其子

收骸骨瘞之丹桂性英敏七歲能文長通經籍為諸生名與

周龍藻埒張伯行撫吳設纂書館於紫陽書院延多士講說

大義丹桂與焉卒私諡貞敏所著四書大全續編書解漁樵

散人集工行楷書得董文敏筆法子盛雲字南臯從汪份學

補長洲諸生郡守陳鵬年招致門下嘗為鵬年編紀詩譜康

熙六十一年以人才例河工効用未幾卒

江震續志稿

○周夢顏字安士崑山人瑞八世孫父胡晉字望立嘉定籍諸

生勵學敦行舉鄉飲夢顏稟承父訓讀書不隨時尚年四十

二始補諸生生平以利濟為懷念吳中浮賦為民生累康熙

己卯

上南巡偕同志陸淳風等具疏赴行在跪奏交督臣張鵬翮查議會鵬翮奉命他往事遂寢夢顏復廣搜博採輯成財賦考一書大略謂蘇郡糧額在宋寶祐元年止二十八萬八千六百餘石至元延祐四年累增至八十八萬餘張士誠據吳加增宋元官田之數至一百萬石有奇明祖憾士誠抗拒日久遷怒吳民取其田照租簿起科加至二百十四萬餘成祖北遷加耗贈又增至二百七十萬宣德五年從巡撫周忱之請減去八十餘萬萬歷間加三餉復有一百三萬餘國初時當軸者誤以前朝耗米作正米又有貴米之價折銀實徵二百四十五萬石詳列歷代之制并取累朝及國初諸

臣奏請蠲免浮糧疏稿繪圖鈔板三易板而後行郵寄京師數百本冀達宸聰至雍正三年奉特恩減免蘇松

浮糧四十五萬夢顏感激涕零當康熙時巡撫張伯行聞其名延致幕中以地方利弊相質問夢顏指陳得失悉心佐畫郡守陳鵬年亦極加優禮夢顏從未嘗干以私卒年八十四次子植字翼孫積學工文年五十八始登乾隆乙丑進士授福建德化知縣培士氣警刁民未三年因公降調乞歸時邑中玉山書院落成兩邑令延主講席者三年又三年卒年七

十七

崑新志稟

○蔣文瀾字葭友康熙丁巳科舉人歷官兵部職方司主事候

補按察司副使雍正五年助脩水利荷 詔褒嘉即家加光  
 祿寺少卿文瀾銳志理學滙濂洛關閩諸書之旨著有尙書  
 講義性理正說先世創立義莊文瀾益推廣之吳縣志弟文源  
 文淳文源字騫友以廩貢就訓導職雍正六年進治河書加  
 助教銜著有存養齋文鈔文淳字虞友康熙己丑進士官吏  
 部主事著有懷民文鈔文源孫應焯字元揆乾隆己未進士  
 官中書應焯子基乾隆乙未進士官乾州知州家述

蘇州府志卷第一百終

蘇州府志卷第一百一

人物目錄

文苑六

本朝

王世琛 父銓 兄世繩

顧嗣立 兄用霖 嗣協

陳汝楫

陳景雲 子黃中 顧階升

楊繩武 兄繼光 周遠

繆曰藻 子敦仁 遵義

徐葆光 蔣深

陳炳 黃中堅

陳世治

劉石齡

徐陶璋 兄模

繆曰芑

李錦 弟文銳

孫德威 趙廷珂

葉長揚

宋照 子祿綏 兄周臣

顧承烈

吳景果 子燮 從子觀文

錢嘏

瞿世壽 孫昌熾

許廷鏢

鄭斌 子廷暘

沈淑 祖萬育 宋樂

王峻 子本智

顧壽開

呂種玉

金縊

卜元 金書升

沈謙

孫悅城

余起霞

王之醇

謝志發 張錫祚 徐夔

汪應銓 祖九漪

習寯

吳家騏

蔣恭棐

陳上善

凌竹

任時懋 顧章

李果 蔡家駒

席釗 兄鎬 弟鏊

倪師孟 弟廷鏢 延鏢子萬隆

李重華 父寅 子泰運 朱志廣

徐梅

金愷

任德成 子思謙

顧倬

謝元陽

黃子雲

葉澧

陳士任 子毓升 弟士寧 從子毓咸 從弟

十二醇

唐德宜

蕭翀

沈磐

沈德潛

楊大琛

趙永孝 兄錫孝

顧紹敏

孫天寅 從弟瀧 洪

瞿駿

沈虹 陸枚

倪承茂

迮雲龍

王藻

陸桂馨

朱厚章 兄存章

黃濤楫 兄傑 邵岷

張鳳孫 祖德繩

朱林 杜達

盛錦

周準 兄永銓 陳培脈

顧詒祿 錢桓

蔣重光 弟含光

沈芳 子剛中

陸桂森 子錫嘉

孫夢達 祖廷璋 從兄震

邵齊燾 父鞞 兄齊烈 弟齊熊 從子聖珪 齊然 齊鰲

周日藻 子德培 子汝翼

李繩

張棟 父錦 子紉蒞

顧我錡 弟我鈞

張鵬

吳莊

顧顛遇

談有耀 從子復

王孝詠

蘇州府志卷第一百一

人物

文苑六

本朝

○王世琛字寶傳長洲人明大學士鏊六世孫父銓字東發康熙庚午副榜累官禮科給事中敦氣誼重然諾善繪事書法世琛風度恬雅工詩文兼善書畫得父筆法康熙壬辰殿試第一授修撰雍正初充

實錄纂修官晉侍講督山東學政勸實學斥浮偽青齊文體一

變累遷少詹事視學未竣以勞卒官兄世繩字茲來官至吉

南嶺道兼理權務有廉聲通志參補乘

○徐葆光字亮直吳江籍長洲人康熙四十四年

聖祖南巡以諸生獻詩賦被取至京舉戊子順天鄉試壬辰會

試不售 欽賜一體殿試以第三人及第授編修五十七

年奉 旨充冊封琉球副使賜正一品麟蟒服葆光長身

玉立儀度秀偉詩文雅贍兼工書法喜交當世文人名滿一

時其使琉球撰中山傳信錄六卷攷据精博為向來未有歷

二十餘年不遷以病告歸卒所著有二友齋文集十卷詩集

二十卷海舶集三卷同邑蔣深字樹存工詩能書畫與葆光

相善由國子監生薦纂修書畫譜佩文韻府等書授餘慶知

縣終朔州知州 舊志

○顧嗣立字俠君長洲人考功郎子咸子康熙己卯舉順天鄉

試以修書勞議敘內閣中書壬辰 欽賜進士選庶吉士

逾年散館當外補未就而歸嗣立博學洽聞尤工於詩所居

秀野堂疏池疊山環植竹木常集四方名士觴咏其中輕財

好義家日以貧而風流文雅照映一時所選元人詩初二三

集注昌黎飛卿二家詩詩林韶濩皆盛行於世自著者有秀

野草堂金焦山陰大小雅堂嗽荔梧竹軒羅浮桂林嵩岱等

集兄用霖字雨若康熙壬戌進士官寶慶知府嗣協字迂客

新會縣知縣皆工詩文 舊志參 縣志

○陳炳字虎文吳縣人性狷介不肯隨俗而意致高遠詩宗王

孟又好鐫印章類顧苓晚喜效趙宦光作草篆年八十餘卒有陽山集十卷同里與炳相善者黃中堅字震生為諸生有聲屢試不售遂棄舉子業肆力古文有蓄齋集十六卷縣志

○陳汝楫字季方世居常熟 國初遷吳縣為諸生從何焯遊

研窮經史工詩古文後為國子監生李光地撫直隸時汝楫隨焯往謁一見器之遂為入室弟子屢試不遇康熙壬辰九卿應 詔以汝楫學行薦後又以光地薦分修周易折衷

書成以母老乞歸卒年六十二所著有周易禹貢四書史漢

三國志諸劄記及文集詩集若干卷新縣志

○陳世治字師洛吳縣人孤貧力學博涉羣書補府學生為義

門何焯高第弟子文章雅健奧衍每試輒冠其曹與同里徐葆光金壇王步青齊名所選制義歸雅集盛行於時繼與宜興儲大文為古文出入秦漢唐宋諸家書法秀勁得褚河南筆意屢試省闈不售繆沅督學湖廣延至署中不數月病卒年甫四十士論惜之所著有芙蓉居士詩文彙若干卷舊志

○陳景雲字少章吳江縣學生長洲人少從何焯遊博通經史淹貫羣籍長於考訂凡論謬處能剖析毫芒焯於及門中推為畏友性孤介游京師試不售年甫四十以母老遂不復出藩邸及大吏以禮敦聘俱不赴窮老杜門手不釋卷年七十八卒所著讀書紀聞綱目辨誤兩漢訂誤三國志校誤韓文

校誤柳文校誤文選校正通鑑胡注正誤紀元要畧及文集

共若干卷舊志子黃中字和叔吳縣諸生乾隆元年薦舉博學

鴻詞報罷遊督撫幕少年留心史學頗以經濟自負晚年歸

家病宋史繁蕪刪改為一百七十卷以不諳天文歷律故闕

其志彭紹升收而刻之本吳門補乘同時長洲顧階升字步巖家

素封性疎達能周恤親族多藏書黃中刪宋史時悉畀之以

資考訂焉何堂撰傳

○劉石齡字介于長洲人孝子龍光子七歲即能誦三都兩京

諸賦及長篤嗜古學以能詩名尤工五言嘗北遊恒岳南窺

衡湘踰大庾登羅浮探奇歷險發於詩歌晚年詩益清遠奇

麗韓茨陳元龍欲薦之朝力辭以布衣終所著有瓠容草堂

詩粵遊小草共六卷通志元和志合纂

○楊繩武字文叔長洲人廷樞孫无咎子自少能文朱檢討彝

尊來吳主張大受孝廉船集四方豪俊繩武時在座討論經

義折中同異而學益精深中康熙癸巳進士 殿試二甲第

一人選庶吉士授編修居京師好汲引士類大學士王掞深

相引重館閣大著作多出其手丁父艱歸遂不出主講浙省

數文書院再主江寧鍾山書院所甄拔多入館閣台州齊侍

郎召南其一也論列天地大文書堯舜典合一禹貢一洪範

一國語齊語一左傳城濮之戰一邲之戰一鄢陵之戰一史

記項羽本紀一平準書一封禪書一漢書高祖本紀一霍光  
金日磾傳一詩焦仲卿妻古詩一賦庾信哀江南賦 共十  
四篇為文章鼻祖著有古柏軒文集平生孝友和介囊無私  
財垂老無負郭田同堂藉以舉火者三四十載歿年七十六  
仲兄繼光字宣仲歲貢生工詩古文著有楚遊稿 長洲新志  
參古柏軒  
集 同邑周遠字少逸與繩武善著有石帆集

○徐陶璋字端揆長洲人明都御史源之後康熙乙未殿試第  
一授修撰陶璋居心和厚學問醇實時論以公輔期之而恬  
於榮利乞假歸杜門掃軌研精經學晝夜不倦乾隆元年補  
前職纂修

實錄以病卒於京兄模戊戌進士亦以文行稱 元和志  
參改

○繆曰藻字文子晚號南有居士吳縣人翰林侍講彤子康熙  
乙未殿試第二授編修遷司經局洗馬視學粵東以失察所  
屬鐫職

高宗登極詔復原官以母老辭遂不出凡官禁近十八年校京  
兆試者二校禮部試者一與纂修者二為人蒼顏秀眉善鑒  
法書名畫力又足以致之人望之若雲林清秘性孝友女兄  
弟十二人孤嫠者收穀之買奴得良家子焚券遣之僮碎寶  
硯微笑而已常訓後人曰左氏驕奢淫佚四字其病皆從佚  
起汝曹昂哉卒年八十子敦仁字義元乾隆己未進士選庶

吉士遵義字方彥號松心居士乾隆丁巳進士以知縣用不  
 忍離父母遂假歸侍養因母得異疾遂究心岐黃家言母既  
 獲瘳而醫理日益進就診者填塞街巷治之無倦容總督高  
 晉顏其堂曰志濟臨證立方多創境他醫不解然投之輒效  
 及徐明其故無不驚服其於前人論撰悉意研究刻傷寒三  
 註行於世所著有溫熱朗照松心筆記若干卷藏於家卒年  
 八十有四家述遵義門人管鼎字象黃亦精醫理能傳其業

○繆曰芑字武子號笠湖吳縣人曰藻胞弟少負大志偕兄講  
 學刻自淬厲居常恂恂謹飭雅不樂以貴公子稱雍正癸卯  
 成進士選庶吉士旋授編修以省親歸承歡養志遭母喪遂

不復出晚年嗜學彌篤於張子西銘之旨獨有所悟吳俗繁  
 庶野多暴骸會

世宗憲皇帝有旨命有司設法斂葬曰芑倡議設錫類堂於城  
 南次及育嬰堂普濟堂皆為區畫盡善著有六經要語杜詩  
 心解李集考異白石亭半學菴諸稿藏於家卒年七十三家述

○李錦字綱文長洲人康熙乙未會試第一為文融會先儒理  
 蘊上宗王唐歷官翰林院侍讀壬子主試湖北充修

聖祖仁皇帝實錄及文穎館纂修嘗引周禮條奏六事納監請  
 在戶部收捐造倉厥以實積貯廣建書院造士賑飢請兼米  
 銀 詔旨俞允以疾乞歸終歲不見賓客不涉長吏庭卒

年七十二著有文選文粹八家文評宋儒要義弟文銳字鼎

臣與錦同舉乙未進士 殿試二甲第一人入翰林文名相

埒乙卯典河南試與錦同修

實錄嘗奏保舉人員及大臣蔭子將有理人之責必試以策論

名一觀其指陳他日任民人社稷庶不同刀筆筐篋之吏

上從之官至司經局洗馬卒

長洲新志

○謝志發字雲翼長洲人父文昌通經學有撰著志發紹述之

四十後專工詩坐一角山樓晨夕苦吟每一詩成常三五易

稿所著有一角山樓詩藁同時有張錫祚字永夫亦能詩好

苦吟諸生徐夔字龍友從何焯游詩宗義山有凌雪軒詩六

卷舊志

○孫德威字畏侯常熟人知府魯之子博雅而不自炫家居食

貧嚴虞惇邀至京時掌院納蘭揆敘被 命有所編纂延

致德威凡所撰次皆稱 旨方欲薦聞堅辭而歸著自怡

薊門竹西諸藁同邑趙廷珂字聲倍少游太學工詩歌善書

法與太倉吳暲等相倡和大學士陳廷敬重其才令共校秘

館諸書尋以病歸晚精醫術兼通琴棋行草尤入妙品

舊志

○汪應銓字杜林其先沐寧籍祖九漪字紫瀾邃皇極經世之

學又著七音類集立誠書雪中集述梅圃詩文集晚遷常熟

列祀鄉賢應銓幼英敏稍長從陳董策曾倬遊所學益進康

熙以戊登進士一甲第一人授修撰直南書房未及散館

特擢左春坊贊善分校禮闈所得皆知名士應銓於經史靡所

不窺發為文章蒼古典奧詩淵源選體而出入於韓蘇書法

圓勁秀逸人爭寶之歸里後主講鍾山書院與修湖廣江南

通志著有容安齋詩集六卷

常昭新志

○葉長揚字爾祥號定湖吳縣人康熙戊戌進士官翰林編修

乾隆元年薦舉博學鴻詞長揚與沈德潛並受業於葉燮稱

高第弟子乾隆丁卯歲長揚年八十一德潛年七十五與同

門顧嘉譽張鈇謝淞洲讌集於二棄艸堂時人比之香山洛

下 李富孫鶴徵後錄

○習篤字載展號謚齋吳縣人年十七為諸生究心經史及先

儒語尤精於科舉之學康熙五十七年進士雍正四年以編

修督學湖南是時湖南新設學政充院吏者皆以重利購之

或言院無養廉可暫招納此輩充官用篤曰始以賄收之後

何以懲其弊嚴絕之綱紀肅然布政使宋稚佳聞而歎曰清

官患立崖岸如習公者清而有容世所罕見與諸生論文諄

諄然如塾師在任六年三轉至侍講九年還朝十一年遷侍

讀學士晉少詹事以父老請假歸侍養者六年郡有普濟堂

白於巡撫祁陽陳公增置沙田千餘畝至今賴之與王峻等

修府志世稱其精善乾隆三十年卒年八十有五 彭啓豐撰傳

○宋恕字謹涵號喜墨長洲人父兆鶴有孝行照少失怙每讀父書捧之而泣事母盡孝康熙戊戌進士改庶吉士旋歸杜門讀書課子嘗言經學之失在析理而不証以事失之窈渺史學之失在綜事而不繩以理失之支離因采禮經注疏彙為一編乾隆二年 詔修三禮高安朱文端公軾薦照編輯勞瘁成疾卒著有禮經彙解史閒息軒雜文等書子祿綏邦綏祿綏字尚迪九齡學使者令背講五經三傳瀾翻貫徹補博士弟子年十二食餼攻詩有唐人風格父歿命工繪陟岵圖瞻拜慟哭哭輒嘔血數升遂不起邦綏別有傳照兄周臣字霖須官刑部郎中

長洲縣志

○吳家騏字駿起號晚楓吳江人高祖道見孝義附傳家騏康熙五十四年中會試又三年第進士選庶吉士授編修雍正元年充

聖祖仁皇帝實錄纂修官明年督學湖廣楚士為文有才情而鮮矩度家騏刻名文指授之文體為之一變後九年遷左贊善充 三朝國史纂修官十二年遷右庶子奉 命校對

世宗憲皇帝實錄副總裁官授禮部右侍郎明年副孫嘉淦主順天鄉試己未狀元莊有恭乙丑狀元錢維城皆是科所取士也又二年被劾免年七十四卒著有雙硯堂集十卷藏於

家

辰澤如志

○顧烈字念揚號林屋山人長洲人松江府華亭籍增貢生  
後以歸原籍康熙壬辰 召試補 內書房纂修丁酉戊戌

聯捷授翰林院庶吉士充古今圖書集成館副總裁著有經  
解史纂文集類編詩稿三十卷及寄郵存稿俱未梓行致仕

後隱居上沙因樹亭 徐本撰墓誌  
方苞撰傳

○蔣恭棐字維御一字迪甫先自廣陵徙蘇州高祖燦由進士  
官至天津兵備道恭棐生四歲即通四聲讀書過目不忘十  
歲為文章有奇氣十四入學時華亭張文敏公照亦以五經  
受知學使者江左文士矜奇耀異而張蔣兩人獨守先正矩  
矱所為文流傳都下安溪李文貞公見而歎曰是今日之思

泉震川也康熙五十四年既中進士以 廷試違式落第歸

益肆力於古至六十年成進士入翰林充 玉牒館纂修官

以父老乞假歸里居七年極色養之樂乾隆初再至京供職  
充

大清會典 五朝國史館纂修官無何以原官休致盧見曾為

兩淮運使延至安定書院卒於揚州盧經紀其喪以歸恭棐

詩文無專師於唐宗少陵義山於宋愛廬陵臨川藏書數千

卷皆手評數過所著詩文集若干卷行於世 錢陳羣  
撰傳

○吳景果字旭初吳江人五世祖邦楨見宦績傳景果少穎發  
詩賦為邑中潘耒徐鉉輩相推許康熙中

聖祖南巡景果以諸生獻賦行在 欽取第二名遂入都分

纂心代詩餘及子史精華等書書成議敘授懷柔知縣懷柔

土瘠民頑 鑿輿歲經其地景果善為謀供帳具而民不擾

其為治務以教化每朔望必令耆老率其屬環立與言孝悌

忠敬有訟者閱其牘即分別曲直諭而遣之歲旱而雩霖雨

立注蝗入境即盡死民稱異焉初邑人不知學為聘邑中孝

廉杜復一為書院長俾以經籍倡導其邑人懷柔文風由此

興任滿當遷上官從民請令留任旋丁內艱歸服除又遭父

喪雍正五年卒年五十五著有賜書堂集及懷柔縣志

子燮字萬長號改堂幼稟奇質負氣性耿直好讀書能騎射

江震新志

年十四從父遊京師所交多藏書家燮從借歸日識手鈔窮

日夜不休嘗製雙袋佩腰左右讀書有所得書投袋中以常

熟籍為諸生後移入吳江學補廩膳生乾隆元年舉博學鴻

詞報罷遂館於京師時出佐外吏幕府性廉介所至不名一

錢倦遊歸貧益甚棲紫陽書院中所居老屋一間攤書數百

卷夕陽映樹四壁無聲呬唔不輟時遇達官名士則以先輩

自居坐上座兩目闔如線抗顏論古今不少遜有令吳江者

館京師時舊徒也之任即來謁以其困也欲有言燮正色戒

之曰若令於斯但能廉潔愛民於我有光矣他勿言令唯唯

而返卒年七十六

汪縉撰傳

景果從子觀文字觀伯有學行詩賦

與、景果齊名雍正五年

詔州縣保舉諸生之孝友端方

者吳江知縣徐永祐以覲文名上覲文以疾辭及上官題允

而覲文又以疾辭終老於家著有竹軒詩稿江震新志

○陳上善字元水蘇州人博學好古以詩名海內兼工篆隸僑

居南昌之東湖去榆塹不數十步與萬時華陳宏緒徐榆溪

相友善所居有山居詩及適餘堂集吳門補乘

○錢嘏字梅仙常熟人陳瑚高第弟子學有原本不務詞章客

游四方必奉父母木主以往所至焚香上食事之如生有問

業者必語以分年讀書之法著鄉飲禮辨家禮彙參三吳水

利議縣志

○凌竹字南樓常熟人性敏多技能少游顧修遠陳確菴之門

陸貽典云晉字唐詩宋詞竹兼有其長又工篆刻嘗錄邑中

近時人詩繫以小傳十二卷著南樓集十卷縣志

○瞿世壽字贊皇常熟人其論詩謂未論工拙先辨首尾平生

尤盡心於春秋經傳折衷宋元諸儒之旨著春秋管見孫昌

熾諸生忠宣公式耜墓隙地有謀葬者昌熾同族人訟於官

墓始獲全砌建宗祠捐祭田刊行春秋管見友愛兄弟撫姪

推產分贍皆獨力為之年八十餘卒縣志

○任時懋字又新長洲人少為諸生有聲庠序康熙庚子舉鄉

薦辛丑試春官不第歸教授諸徒不復就試吳中文章風尚

漸長時懋宗經正軌不撓不惑對友朋恂恂如不出口及臨講席判剖黑白洋洋纒纒不留疑似生平篤於孝友婚嫁弟妹傾橐不吝人高其行郡庠生顧章高才年少美風姿已聘室矣讀書古寺中有貴官女入寺經其書齋見著述欲委身事之章以非偶遁免時懋重其行禮如嚴師章歿爲位以哭著有可軒賸稿四書自課錄

長洲新志

○許廷鏢字子遜長洲人康熙庚子舉人官福建武平知縣邑與粵之平遠接壤以分水坳爲界平遠豪族強佔坳北田廷鏢按圖勘理界始定罷官人歌思之先爲粵華書院山長識陳宏謀於諸生中許爲公輔器後宏謀官於吳謁見不納相

遇於烏鵲橋見之廷鏢曰但爲好官所望賢者不負平生志學爾性豪放論史事慷慨激發尤善弓馬刀槊詩才綺麗所居在郭外二十里陳墓河歸田後時與沈德潛輩往來所著有竹素園集

縣志參湖海詩傳

○李果字碩夫號客山長洲人祖聖祥順治己丑武榜進士及第浙江杭州營游擊果生四歲能誦漢唐詩八歲病瘧夢有人剖其腹出腸胃浣諸河已納之覺而瘧如失自此文思穎發十二歲而孤十四歲學爲古文辭嘗應童子試旋棄去入官古傭書以供養其大母與母從進士葉燮遊刻苦爲詩文遂有名長沙陳鵬年令衢之西安見其詩大稱之手書招往

不志陳擢守金陵過吳門訪得之大喜繼守蘇郡果不往見  
 及鵬年訟繫京口果徒步走四百里省視大理卿李煦視離  
 揚州延之典文章果於館俸外一無所染後煦虧帑幕中多  
 罹禍果獨脫然事外嘗自謂詩學少陵參以右丞襄陽左司  
 返乎漢魏文自廬陵入歸本六經以希昌黎其紀事頗縱橫  
 宕逸得司馬子長之一體知言者以為然雍正乾隆間

詔求博學宏詞及山林隱逸總督高其倬巡撫雅爾哈善先後  
 欲薦之皆力辭先是雅公守蘇州修郡志聘果分纂書成果  
 力為多卜居城南葑湄草堂母卒大吏請之不復應日鬻文  
 以自給卒年七十三著有詠歸亭詩在亭叢稿若干卷果友

蔡家駒字昂若善古文敦行與果同以諸生終

長洲新志參  
蔣恭棊撰傳

○鄭弑字季雅元和人七歲就塾師於文信國祠日肅衣冠瞻  
 拜擬製祠記塾師異之弱冠典衣購經史終夜讀之盡焚所  
 作制藝曰此不足見吾志也乃肆力于詩年二十四遊京師  
 以能詩聞大學士海寧陳公延至賓館與纂賦彙以疾卒於  
 京年四十有九所著有括囊居士集二十卷又選昭代清音  
 集唐律多師集他如昭明文選李杜韓白蘇集皆有批解  
李傳果子廷暘字嶠谷號竹泉又號紺珠書法褚中令小楷尤工  
 銀鈎鐵畫出力藏稜同時如蔣仙根錢襄皆不逮也詩卷無  
 多意到語工自然神妙

湖海  
詩傳

○席釗字對揚常熟人永恂子性敏工文詞雍正癸卯登進士  
選庶吉士以薦與修一統志授編修以艱歸遽卒釗敦孝友  
之行生平重然諾常爲人貸錢二百萬其人遠宦不歸破產  
代償遂至大困釗亦不悔也兄鎬字渭南附貢生博學工詩  
弟鏊字寶箴以舉人授內閣中書書法迺古詩文清雋有竹  
香詩稿四卷陶志

○沈淑字立夫常熟人祖萬育以孝行旌淑登雍正元年進士  
選庶吉士授編修以送親假歸尋卒淑天資過人自幼卽能  
讀諸經注疏宋元儒經解所著有周禮翼疏若干卷子棧別  
有傳時有諸生宋樂字玉才天才秀挺詩文濬發靈府無纖

毫俗韻一時老宿咸斂手讓出頭地二人俱以壯年歿歿無

不歎息者

陳志

○倪師孟字南琛號繹堂震澤人寄籍歸安幼穎異年十三補  
諸生尋食餼嘗從何焯遊爲詩古文詞能耽思旁訊函蓋萬  
有雍正癸卯成進士乙巳授編修性恬淡不喜馳逐以親老  
陳情歸養乾隆元年服闋補官與修

實錄戊午主四川鄉試充 國史館纂修官在京師日閉戶讀

書非詩文知已絕不交往未幾歸築室于馬浦庭中無雜樹  
惟梅花數十本顏其室曰南村梅圃宮詹張鵬翀寫梅圃歸  
來圖以贈時江震兩邑令修縣志師孟爲之纂輯著有序年

六十三卒所著文稿行於世詩稿藏於家

本家譜參詩徵

弟廷鏡字

凌倉乾隆辛酉舉人官滁州學正修文廟建書院請復建歐陽公祠滁州文風丕振廷鏡子萬隆字鯤扶穎敏好學乾隆

壬午舉人早卒

江震續志稿

○王峻字次山號良齋常熟人祖應祥父志學世有隱德力行善舉峻少敏慧受業司業陳祖范之門陳雅重之舉京兆試授內閣中書尋登雍正甲辰進士改庶吉士充一統志纂修官散館授編修歷典浙江貴州雲南鄉試稱得人改御史拜命三日卽抗章劾臺長官素行不協人望直聲震都下會丁母憂遂歸杜門養病十餘年當事者重其名德爭延爲士子

師厯主揚之安定徐之雲龍郡之紫陽書院以古學提唱後進所賞識多知名士性剛褊視時俗依阿齷齪畏蕙者流不欲爲伍人有一事一節之長則稱賞不置究心經史考訂詳審尤精輿地之學於九州山川形勢曲折向背雖足跡所未到咸瞭如指掌嘗謂水經正文與注多混淆欲一一釐正之而唐以後水道之變遷地名之同異酈注所未及者則摭正史及傳記小說近代志乘以補之名曰水經廣注手自屬稿未暇成也詩古文直抒性靈不假修飾書法初宗北海後師東坡晚年自謂窺古人用筆之妙所書碑碣盛行吳下卒年五十八著有良齋詩文集行世峻少貧甚數歲時借人書讀

日受訾詈後登清要不名一錢歸田後猶以教授自給環堵  
蕭然門無雜賓清風特操雅俗推服子本智由盱眙知縣遷

桃源河務同知 常昭新志

○李重華字實君號玉洲吳江人父寅字露楨歲貢生博覽圖  
籍能詩古文既而專事經學著有學庸要旨淇園集重華聰  
穎過人六歲能屬對吟詩讀書三遍弗忘從張大受遊與李  
錦李文銳稱匠門三李大受交遊遍天下秀水朱彝尊至其  
家作說經會重華多所請質趙執信尤極推重華詩學時張  
伯行撫吳荆紫陽書院聘朱啓昆為山長闡經學講肄尚書  
設館延士重華預焉郡中詩會興重華與沈德潛迭為主持

一時名流畢集康熙五十九年以例貢中順天鄉試雍正甲  
辰成進士改庶吉士充 玉牒館纂修散館授編修丁母憂  
歸慟絕而蘇遂得嘔血疾張大受卒於黔為編次其集行世  
服闋充一統志纂修十年典四川試有蜀道集尋被議落職  
僦居京師與鄒升恒周長發張鵬翀沈德潛倡城南詩社汲  
引後學未幾陝撫陳宏謀聘掌教關中書院居二年為諸生  
講說經訓有易詩書二經義解乾隆十六年

上南巡進迎鑾詩

詔復編修銜逾四年卒年七十四重華

天賦俊才生平遊歷巴蜀齊魯秦關之勝發而為詩嶽寄歷  
落得江山之助有貞一齋集詩話俱行世子治運別有傳泰

運亦工詩早卒有絳雪堂集同邑有朱志廣字約成亦遊張  
大受之門大受督學黔中招致文幕晨夕揚摧師資為多晚

號臥谷老人有滇黔遊草江震續志稿

○顧壽開字熊慶一字玉洲吳江人復社名士鍾星曾孫也生

時適其父六十誕辰熊開元至其家因以壽開為名熊慶為

字詩與同邑李重華齊名李詩久傳海內壽開以布衣老故

人罕知之然詩實可與李頡頏所著有玉洲詩集松陵詩徵

○徐梅字若霖號南州居長洲之貞豐里授徒東山愛湖山之

勝尤愛葑山荷花曰此藕花深處即予家也僑寓十年而歸

為人敦友誼重然諾長於古文詩宗唐人集唐句如出天然

少與張大受何焯吳士玉諸人遊結詩文社後諸人皆顯而

梅獨以一衿終士論惜之著有古文六卷詩六册吳門補乘

○呂種玉字煙農吳縣人居閶門生而明慧五歲就外傳受四

子書過目不忘七歲知朱陸異同既長善為詩朱彝尊見而

賞之著有言鯖吳門補乘

○金愷字漢三吳縣下堡人吳江籍雍正二年舉人自少有文

名制藝靜細而有致詩亦如之為何焯及門中之翹楚吳門補乘

○金縉字絲五吳縣人貢生官宣城訓導詩負奇氣不肯一語

庸下比之利劍寧寸寸折不為繞指柔也晚年研究易理不

復吟詩所著蘊亭詩稿皆少壯時作吳門補乘子祖靜見宦績傳

○任德成字象先吳江人補長洲學生有至性父歿哀毀骨立三年不入私室母日眇舐之復明撫孤姪教養兼至好讀先儒書奉朱子白鹿洞規為準的採集自漢迄明諸儒格言為五卷曰洞規大義雍正初

詔舉賢良方正布政使鄂爾

泰欲以德成名上德成以母老辭年八十九卒著有澹寧文

稿崇先集續編

彭紹升撰墓志

子思謙字純仁震澤諸生研深經術

於周易及宋儒書尤多心悟晚歲教授吳門總督尹繼善表其里曰樹德年八十四卒門人馮培等私諡曰文純先生所

著有易要詩譜中星考經筵堂文集薛胡語要皇極經世鈐

解等書

錢大昕撰墓志

○卜元字重貞吳江人以選貢入太學博覽載籍尤精數學於

邵子皇極經世書能探其窾奧里居教授門下多知名士巡

撫張伯行甚器重之與李重華友善詩宗唐賢惜著述散軼

又有金書升字俊選歲貢生吳江八坼人淹通經術為文能

別開途徑周日藻極稱之家酷貧恪勤孝養兄弟三人同爨

友恭無間言

江震續志稿

○顧倬字熙良吳江人邑諸生嘗學詩於張大受與李重華齊

名中歲遷靈巖山麓與沈德潛相切劘學益進並攻古文精

心孤詣於太史公書杜子美集所得尤深有萬玉清秋軒集

江震續志稿

○沈謙字去爭長洲人幼師事何義門雍正己酉科舉人考取內閣中書深為大學士鄂文端公所許行薦擢矣以父憂歸遂里居養母引疾不出年七十有七卒謙為文千言立就詞旨婉麗近張匠門書學顏魯公尤負盛名於時所著有左傳質疑三禮節要橫山詩文稿若干卷

陸耀撰墓志

○謝元陽字憲南常熟人以拔貢舉順天鄉試雍正庚戌登進士觀政河南會有通志之役當事屬以編纂元陽發凡起例正訛補缺人物志則詳薛文清所以尚理學也名宦志則進盧忠烈而黜楊嗣昌所以辨邪正也補載魚希直陳益吾所以表廉吏獎勞臣也復奉檄移粟賑饑舳舻銜接無少虧耗

嘗貽友人書曰修書數萬言不曾駁壞一字一句運米數千石未嘗虧損一粒一毫元陽無書不讀為文穿穴經史光芒爛然見者愕眙嘗搜輯邑人工於文而不遇者編虞山人文前後兩集各系小傳寒窗宿齒賴以不泯

行畧參陶貞一傳稿

○孫倪城字廣平崑山人父灝如艱於嗣官陽信時始舉子陽信古倪城地遂以命名少能文康熙庚子領鄉薦選徐州學正雍正庚戌成進士選庶吉士授檢討俄聞母疾即請終養服闋充一統志纂修乾隆二年

上親試翰詹值疾作致仕歸崑山田多低瘠田賦無出民苦賠累倪城嘗草條議會邑令丁銓入都即據以告諸當軸遂得

核改下則邑人周崑同在志館纂修歿於邸倪城經紀其喪  
緘遺橐歸其孤嫠諸生十數人以公事繫獄默為營救得釋

踰艾卒無子間里傷之 崑新志稿

○黃子雲字士龍號野鴻崑山信義鎮人居吳縣嶮村幼即工  
詩稍長遊輦下嘗偕編修徐葆光奉使琉球足跡所經南北  
萬里得風雲山水之助氣益壯詩益豪一時名動公卿有欲  
以鴻博薦者堅謝之嘗過鄒縣孟廟作詩有戰國風趨下斯  
文日再中之句時有庶吉士鄒涇宿廟旁夜夢殿中懸十字  
覺而記之乃知即子雲句也初子雲執弟子禮於葆光一日  
葆光下階拜子雲改稱先生日向之抗顏以未見先生詩故

也金壇王樹為書長吟閣二字以贈子雲兼精書法於釋正  
誼埒為世所重著有長吟閣詩集 崑新志稿參吳門補乘

○余起霞字丹舒崑山人少負雋才從長洲汪琬遊詩古文悉  
有法度兼善六朝駢體餼上海庠循資貢成均益刻勵為經  
世之學嘗上書巡撫張伯行累數萬言如築圩岸濬支河緩  
征舊逋官收漕餉皆切中時務伯行多采納焉已又取邑人  
周夢顏所梓東南財賦考作書郵寄朝紳勸以奏減浮糧時  
論違之起霞穎敏博學嘗廣羅海內名人著作彙成一集題  
曰 皇清文貫又徧搜古今可喜可愕之事作竹窗雜記晚  
歲著述日富四方徵求傳誌碑銘者趾相接卒年六十 崑新志稿

○葉暹字蕃九崑山人宏儒子少濡染家學長入北雍徧歷燕  
 晉兩楚齊魯趙魏之墟凡輿圖阨塞土風人物莫不鈎稽默  
 識於古今典憲尤為綜貫膏編輯崑山人物續考足資邑乘  
 之助性亢爽無脂韋習好論列天下大事寓諸詩歌悲壯沈  
 雄而一出以蘊藉得風人之遺

崑新志稿

○王之醇字學舒一字鶴書崑山人諸生幼受學於劉澤乾後  
 師事長洲陳世治上海曹一士尋入太學試南北闈屢薦卒  
 不售晚舉鄉飲賓以歿之醇熟於制藝源流剖析至精評選  
 有明迄 國初文不下數十種皆風行海內詩亦簡淡有王

孟風 崑新志稿

○陳士任字彥仲號琴川吳江人給事中沂震子雍正癸卯舉  
 人讀書論古不肯蓄疑同邑顧我錡深服之所著有李瀚蒙  
 求詩註耕雲堂集四書集註箋疏等書子毓升字行之號易  
 門府學廩生工詩古文詞受業沈德潛之門里中袁景輅編  
 輯松陵詩徵延至其家與共商榷景輅歿時未卒業毓升蒐  
 羅閱三載書成所著有硯陶詩鈔士任弟士寧字安叔康熙  
 庚子副貢生子毓咸字受之號芝房邃於詩古嘉慶丙辰進  
 士授國子監學正所著有紅樹莊詩鈔士任從弟士醇字子  
 大雍正癸卯舉人著有南溪草堂詩稿

本詩徵參 同里志

○唐德宜字天申崑山人德咸弟為文簡質不事藻飾居恒志

存經濟雍正間 恩蠲蘇松浮賦檄縣均派有倡為儘荒

之說者當事惑焉德宜謂若此則奸蠹叢生或借注荒勒索

或移熟產冒荒窮民無力注荒實荒依然受累乃條上數千

言呈之當事異議始息嘗著時務策二十八條頗為切要乾

隆元年薦舉孝廉方正授六品冠帶德宜性孝友與兄德咸

營先祠於瀾漕考定祀典俾子孫世守其祀邑志失修已百

有七十年德宜為哀集掇拾成志藁若干卷以古文坊刻鮮

有善本悉心選錄成集若干卷名古文翼行于世崑新志稿

○蕭柳字章辰崑山人庠姓張讀書不務章句之學汎覽百家

每喜考索文獻徵引人物尤留心志乘嘗著微顯志自明迄

今凡在郡邑中孝子節婦之未表者隨所見聞紀之以標節

義雍正己酉以副貢選授桃源教諭卒於官子孫遂家焉崑新志稿

○沈磐字石均木瀆人康熙中以詩鳴至乾隆初同里有張錫

祚黃子雲盛錦皆長於吟咏沈德潛稱為靈巖四詩人彙訂

其稿刊之磐有宛陵吳門兩集吳門補乘

○沈德潛字確士號歸愚長洲人先世自吳興遷於蘇州居竹

墩祖欽圻諸生父鍾彥並見長洲志德潛始居木瀆後徙郡

城為諸生學詩於吳江葉燮燮數稱之新城王士禎致書於

燮亦稱許德潛詩桐城張廷璐督學江南尤器之乾隆初舉

蘇州府志 卷一百一 人物 文苑六 三

博學宏詞試罷三年始舉於鄉年已六十六明年已未成進士改庶吉士散館 廷試

高宗見其年老詢之知為東南名士授編修旋召至內閣

命和消暑詩十首稱 旨自是

上作詩多 命屬和八年累遷侍讀學士兼日講 起居注

官九年陞少詹事典試湖北十年遷詹事

上召見與論詩學源流升降因謂曰張鵬翀才捷於汝風格顧不及汝明年三月晉內閣學士請假歸 詔封其三世

賜詩寵其行六月還朝授禮部侍郎入 上書房十三年

充會試副總裁先是京察時德潛以年老乞休舉齊召南自

代至是病噎 命解職專理 上書房事明年

上憫其老准致仕俾校讎 御製詩集卒事乃行

上謂廷臣曰朕與德潛以詩始以詩終矣家居二十年

上常賜詩及諸藥物慰問每 南巡必加 恩德潛嘗進

詩集求序

上欣然許之十六年 命食原品俸尋加尚書銜再加太子

太傅食一品俸 賜其孫維熙為舉人再入京祝

皇太后萬壽與香山九老會

上命工圖像親作歌以紀之德潛既以詩受

上知其所奏進陳善納忠於閭閻息耗四方水旱壹見於詩

上嘗賜詩嘉之德潛撰 國朝詩別裁集進呈請 御製序

文

上以德潛選次未當 命儒臣重為精校去留 賜之序

晚歲主紫陽書院以詩文導後進有一藝者必獎成之性和厚與人交不為町畦不為逆億詩法盛唐以杜甫為準的所選漢魏六朝唐明詩數十卷四方學者咸宗趨焉所著有矢音集四卷竹嘯軒詩集三十卷古文集三十卷詩餘一卷說詩晬語二卷乾隆三十四年卒年九十有七 詔贈太子

太師入鄉賢祠 予祭葬諡文愨後十年因東臺已故舉人

徐述夔詩辭悖逆德潛曾為之序牽累追奪 彭啓豐撰 傳參補乘

○楊大琛字寶研號謙山吳縣人宋龜山先生之後自聞之將

樂遷於蘇大琛幼明敏甫就塾一目數行及為文搖筆萬言立就時有神童之目乾隆己未進士授兵部主事請假歸娶鄉人榮之丁卯補戶部主事陞員外郎以積勞患耳聾遂以病辭官歸素長於文學厯主杭州紫陽敷文書院成就人材甚眾少多疾嘗閱黃庭內景經參同契諸書掃棄一切獨坐反觀遂有省曰吾乃知成仙作佛確有實理即吾儒默存退藏之旨也閒居多著述歿後散軼無傳 汪縉撰傳

○趙永孝字漢忠號謹凡常熟人兄嗣孝見孝義傳次兄錫孝字寶文雍正甲辰進士厯常州松江府學教授永孝幼讀論

語君子喻於義章問塾師曰喻字關頭當作何把握師大驚異稍長以聖賢事相切劘甲辰與兄錫孝同舉京兆嘗以平昔講求經世要務著萬年保泰鴻模欲獻未果徵試博學宏詞亦報罷乾隆己未成進士年五十四矣選常州府教授勲懇訓士如其兄晉陵稱二趙焉時博野尹會一視學江南咨以學政永孝力請行小學謂內外篇該括經史爲學者造道之基尹韙其說亟施行焉卒於官著有鑑古堂文集六卷詩四卷

縣志

○顧紹敏字嗣宗號東樵吳縣人少師張慶孫能以古文爲時文工詩屢試南北不售與惠士奇交士奇視學粵東引以爲助校文之暇弔古咏懷識者謂得江山之助邑令以孝廉方正薦不就聘修元和邑志與沈德潛分撰人物志故家名德紹敏任之高人才士德潛任之志益出二人手云

○孫天寅字雲含常熟人曾孫少聰穎讀書過目不忘十歲能詩年四十八舉京兆試乾隆元年舉博學宏詞兩江第一赴京未及試得疾卒著碧蘚齋詩集從弟灑字巨源少從嚴太僕虞惇遊矻矻汲古貧不能省試太僕官京師寓書招之且資以行李却不赴著有讀史談助藝圃春華若干卷並散佚弟淇字寶洲才名與兩兄相頡頏時稱三孫曾一應院試卽棄去肆力於古著竹鄉詩集若干卷天寅子燧字元之亦博

學能詩縣志

○瞿駿字雲堦常熟人壯歲遊京師屢試不遇康熙庚子中副榜雍正五年保舉令下有薦之者 命往河南以知縣用

時田文鏡為總督駿惡其殘酷稱疾不赴乾隆元年薦舉博學宏詞為人狷介有守雖貧甚不肯干人居京師五十年未嘗至貴要之門期登第始娶卒不遇聘妻鬱鬱以卒遂終身不娶詩文古淡如其人年七十餘終於僧舍 舊志參詞科掌錄

○沈虹字衛梁長洲人雍正丙午舉人官句容教諭乾隆元年薦舉博學宏詞著有篷莊詩鈔時吳縣有陸枚字實君亦薦舉宏詞科試罷以歲貢生終 鶴徵後錄

○倪承茂字稼成祖兆熊順治八年舉人自震澤遷吳縣承茂少穎悟苦志力學為諸生歲科試輒冠其曹受業何焯之門焯歿後承茂繼操選政所選制舉文盛行於世教授吳門從游甚眾若韓彥曾張鳳孫其尤也乾隆元年薦舉博學宏詞罷歸三年舉於鄉與沈德潛為莫逆交承茂歿德潛周恤其家有頤塘詩詞行世 江震續志稿

○迺雲龍字賡若吳江蘆墟人幼穎敏高才婣雅傲岸不羣下筆千言立就遊何焯之門焯深重之雍正壬子順天副貢生乾隆元年舉博學宏詞科試罷遊滇南總督幕中留三載相與酬唱成集有汗漫吟 松陵詩徵參鶴徵後錄

○王藻字載揚號梅泚吳江平望人國子生販米為業好讀名人詩集於帶經堂曝書亭二集尤熟詩亦集兩家之長吳興沈編修樹本見之歎為異才招至家相與講論由是棄業讀書學益進乾隆元年 詔舉博學宏詞時臨川李紱為戶部侍郎已薦六人格於限例以藻名交門下士副都御史孫國璽孫有難色李大怒責其蔽賢孫長跪謝罪允薦乃已報罷歸寓揚州卒藻貌瑣瘦急遽小聲音好蓄朱板書青田石印章有友借觀悞墮地碎藻垂泣三日其風趣如此在京師每名流會合分題角韻藻詩出輒壓倒儕輩晚寓揚州揚州人士奉為壇坫歿為板行其詩詩名鶯脰湖莊集

松陵詩徵參隨園詩

話鶴徵後錄

○陸桂馨字元萼震澤人明布政使文衡曾孫父方濬康熙乙酉舉人桂馨性孝友耿介不苟取與敏而好學制義為時所推詩說理而不腐異於白沙定山一派鄂文端公任江蘇藩使時以古學試士通省得五十二人同邑周日藻顧我錡及桂馨與焉乾隆元年薦舉博學宏詞罷歸以歲貢生選丹陽訓導在丹陽多所造就以疾告歸卒於家同學私諡為淵孝先生

陸氏家譜參松陵詩徵

○朱厚章字以載崑山人幼穎異八歲攻舉業日課兩藝字不加點補諸生食餼博覽經史僑居嘉定為徵士張雲章所器

重宮詹張鵬翀未第時相與刻燭分韻厚章往往先成而工  
細高渾過之中年杜門掃軌學益淵邃雍正甲寅 詔徵

博學宏詞督撫學臣彙試江南北士僅拔六人厚章與焉明

年三月敦促赴徵車先一月卒年四十五兄存章字亦仁雍

正乙卯拔貢生官湖南靖州州判工詩文書法亦秀勁

崑新志稿

○黃濤楫字逢源吳縣諸生文筆工秀書法效歐陽率更居草

草亭著書自娛生平不肯干人李中丞馥延之商榷文字乾

隆元年貢太學尋薦博學宏詞未赴試卒兄傑字當時府學

生工書畫同時有元和武生邵岷字百峯舉鴻博被斥亦工

詩

吳門補乘

○張鳳孫字少儀晚號息圃其先崑山人祖德純字能一康熙

庚辰進士知常山縣著有詩經解頤孔門易緒等書自崑山

遷青浦鳳孫復自青浦徙蘇州之薛家衙少英敏母顧氏博

通經史欲覘其志詢以先儒當學何人曰學韓昌黎長而六

經子史靡不通貫補青浦學生父之瑱知貴州印江縣以負

帑下獄論死鳳孫懷血書詣 闕請代百計營緩金事竟得

釋時有二子之稱謂孝子才子君子也雍正壬子中順天副

貢乾隆元年薦舉鴻博旋舉經學甲子復中副榜充正黃旗

教習得州同改直隸州判歷順德府同知福建邵武延平福

州知府雲南糧道四川永寧道以年老入補刑部郎中告歸

卒年七十八著有詩文若干卷子三長瓚官懷遠知縣次瓚

官開州知州次慶曾官懷寧知縣松江府志參補乘及家述

○朱林字鄧雲長洲人少有神童之譽受業於金孝廉天倪讀

書一過成誦而必滿百遍故所業終身不忘年十三補縣學

生工制藝試輒冠其曹為中丞徐士林所鑒賞年二十三而

卒有鄧雲詩鈔一卷又吳縣學生杜達字章成定京之孫工

文善書精於天官句股奇門遁甲九宮五行諸術尤長於詩

有硯籒詩鈔一卷

○盛錦字庭堅吳縣木瀆人諸生有青嶼詩鈔詩從大厯下入

手後層累而上風格漸高至入蜀詩得江山之助沈雄頓挫

直欲上摩王漁洋之壘以仰窺少陵從弟璋亦能詩蜀道集

為叢勝吳門補乘

○周準字欽萊號迂邨諸生世居甫里中年遷吳之臨頓生平

無機心槪事刻苦為詩年二十裏糧遊武昌沔漢不謁一人

居近皮墅與陳培脈及其兄永銓倡和嘗隨沈德潛至京師

超然名利之外興盡歸德潛歸田偕遊黃山雲海得詩數十

首不事生產庶母弟不弟屢侵虐之遂破其家病於枯寺昇

至永銓家卒著有虛室吟稿瓢中鶴阜玉楮人海黃海諸集

永銓字允武亦能詩四十以後棄諸生足不出戶外時人以

準為迂永銓為僻培脈字樹滋少負俊才老於諸生詩宗盛

唐爲新城王士禎所賞平生足跡半天下晚歸依中丞李馥

年六十餘卒

元和  
新志

○顧詒祿字祿百號花橋長洲人進士三典之從孫張大受之

外孫也太學生爲沈德潛高足弟子德潛及門中盛錦以詩

鳴詒祿以古文辭鳴人比之韓門翔籍德潛乞休後詒祿權

記室凡應酬之作皆其所捉刀詒祿偉軀幹能言語爲人排

難解紛有魯仲連之風云著有吹萬閣集瑗堂文述

吳門補  
乘參詒

補自著集時吳縣又有錢桓字士西詩律極細沈德潛極稱之有

陶村稿

補  
乘

○蔣重光字子宣長洲人燦四世孫少有異稟旣長爲諸生恂

恂安雅敦孝弟好讀書師同里沈德潛甚謹一時同門諸名

士交相引重切劘文術益自奮於學屢試南北闈不售中年

得末疾讀書不輟藏書甚富乾隆三十八年

詔開四庫

館徵四方書時重光已歿子曾瑩檢其所審定秘書百種進

御

天子嘉之

敕賜佩文韻府一部

親製七言詩書於所

進職官分紀之首美其好古復惜其不遇人莫不榮之

彭啓  
豐撰

傳烏含光字子宏貢生亦以文行著

○沈芳字紉佩吳江蘆墟人諸生好讀書能抉其精奧多蓄古  
書及金石文字究心六書之學工小篆師同郡何焯得其薪

傳嘗言隸書有折無轉篆書有轉無折允稱不刊至論篆法嚴整每作一字以古銅周尺量較至再三故方圓悉中規矩著有水村詩稿子剛中字需尊幼即棄舉子業肆力於詩古文辭嘗為沈德潛箋注詩集以家貧客遊豫章南粵諸處為布衣以老著有北溪草堂詩文稿及重修贛州府志

江震績志稿參

陸耀切問齋集

○陸桂森字廷一號澹月居士長洲人乾隆壬戌科進士官上林知縣未久即告歸幼早慧有神童之目十四入邑庠早登科第聲名籍甚後生執經受業者數百人若錢槩以三元及第其尤著者也子錫嘉字肇宇亦績學工文乾隆壬午舉於

鄉官全椒教諭無為州學正

○孫夢達字莊九常熟人祖廷璋字麗公官什邡知縣減耗羨招流亡墾田二萬餘畝教民築堤捍水民甚賴之數辨疑獄才能甚著邑產茶而奸商壅遏病民廷璋力持之民乃得享其利夢達性尚疎簡氣度明豁登乾隆壬戌進士待次家居研精易蘊撰讀易揆方凡十卷十六年以詞賦 召試行在授中書舍人軍機處行走以勤慎著稱尋除宗人府主事丁祖母憂服滿補原官分纂平準夷方畧夢達拙於治生以宦遊減產雖貧甚口不名錢卒於京同邑嚴有禧經紀其喪歸里

邵齊燾墓志

從兄震字天威幼孤事母有孝行淡泊寡欲鍵戶

讀書終歲不入城市鄉舉後再試禮部未嘗一及貴人門著

噩夢錄其駁正史事牴牾援証今古義據精當書成旋卒縣志

○邵齊燾字荀慈號叔六先世休寧人高祖嘉祚始遷常熟父

韡字鄂庭少孤能強毅自立受業何焯讀書務精博書得二

王法生五子齊烈齊燾齊熊齊然齊鰲齊燾登乾隆壬戌進

士選庶吉士 駕幸翰林院錫宴齊燾與焉仿柏梁體聯

句尋獻 東巡頌原道敷章研神敷采論者以為班揚之

亞性恬淡不省揣合乃自署其門曰道山祿隱在翰林十年

充書局纂修者再充京兆分校者再以大考罷歸乙酉

南巡詔原官起用辭疾不赴貌清古眉目疏秀精章草入晉

人室著有玉芝堂文集六卷詩集三卷海內推有東京六朝

之風子培德字元惠乾隆甲辰進士麗水知縣次聖籍字子

山幼穎異為諸生常以古人自期許每讀書必盥手肅衣冠

始展卷謂不爾非以對聖賢也袁枚一見呼為小友甫弱冠

卒兄齊烈字亶承乾隆乙丑與弟齊然同榜進士 朝考第

一選庶吉士逾年卒詩文溫潤如其人玉芝堂集弟齊熊字芳澣

乾隆丁卯舉人考授內閣中書熊子聖珪字錫禹天資聰俊

夙神朗秀甫弱冠舉於鄉年二十五遽卒齊然另有傳齊鰲

附貢生縣志參鄭虎文撰傳

○周日藻字旭之號澹寧吳江人宗建曾孫幼以名行自勵登

乾隆丁丑進士入京師名公卿咸折節與交鄂文端公延爲上賓課諸公子者七載不以他事干應六安書院之聘前後北札者衆顧澹於仕進名掛銓曹而不謁選語人曰吾研經味道未優也奚仕爲所選制義曰清華集先正矩矱藉以不墜暮年家居手不釋管卒年八十一所著有寧齋詩二十四卷編輯意庭四書節解四卷行世子汝翼字右民敦行窮經克紹家學爲諸生屢試不售遂棄舉業益力於古有選詩唐宋金元詩鈔若干卷風雅緒餘二十卷松陵所見錄十六卷自著蘭軒詩稿及制義行世

江震續志稿

○李繩字綿伯世居長洲之莊渠後徙郡城舉乾隆六年鄉試

選雲南恩樂知縣甫一載以病乞休大吏留主五華書院繩早慧年十二卽好爲詩沈德潛見而異之令受業於門旣長遂以詩名吳中平生篤於倫紀其見於詩往往忠厚悱惻得風人遺意著有芸圃詩鈔十二卷

吳門補乘

○張棟字鴻勳吳江平望人父錦字禹父有南村詩鈔棟家貧力學弱冠游京師入太學工詩畫公卿雅重之乾隆十六年

浙江巡撫聘修

南巡盛典晚寓揚州卒著有看雲詩稿

江震續志稿

子紉苙字芬揚好六法筆致疎秀

畫徵錄

○顧我錡字湘南吳江同里人邑諸生博學強識爲詩古文提筆疾書千言不竭給事陳沂震以詩名我錡從之游詩學日

進及沂震督學山東我錡在其幕與嘉興高孝本同邑周龍藻及沂震相唱和為海岱聯吟集大學士鄂爾泰官蘇州布政使時得我錡詩文稱為南國才人冠雍正九年督撫聘諸名士修江南通志我錡分任藝文參及人物江防職官諸類同事者推服焉性孝友居母喪哀毀踰禮又以修志積勞遂發疾卒年四十六所著有通鑑綱目志疑浣松軒集等書吳新志弟我鈞字陶元為諸生有文名乾隆九年舉於鄉至京師館秦尚書蕙田家蕙田修五禮通考我鈞與編纂焉著昏禮集傳為人後考又纂春秋去鑿自隱公至成公而止惜未成書輯律賦彙鈔松陵耆舊集行世江震續志稿

○張鵬字紀常號楚門吳縣人善屬文乾隆壬申舉於鄉及門多雋異士陳初哲嚴福其尤著也郡守孔公重其名延主平江書院性孝友善承父母歡甘旨必親調以進凡事關瞻族睦姻及有益鄉里者不辭勞瘁以赴卒年六十六著有讀史別情吟春遊小稿橘膜編阮學濬撰傳

原名定璋字友篁吳縣東洞庭山人讀書砥行尚氣節為一鄉之望博洽墳典尤長詩古文辭生徒負笈者踵相接後進或貧不能學輒給膏火以成其業乾隆初蘇郡修府志莊獨任採訪之役當事皆信之所著有七十二峯足徵集洗心集

端居草聊寄集二十五絃集太湖漁風太湖剩言太湖詩話

半園外集豹留集問津集諸書貧不能梓行藏於家家述

○顧顛遇字未穆長洲人乾隆癸酉舉人幼有至性失母哀毀  
如成人長而好學爲文湛深經術鄉舉後應會試入都館於  
虞山蔣氏不干以私其課徒循循善誘每謂人曰吾日暮則  
計一日課程問心無愧然後解憂晚歲孜孜理學專務克已  
省身年六十餘卒家述

○談有耀吳縣諸生能文善書所著有金粟館存稿一卷文鈔  
及題跋各二卷從子復吳縣增生家世明易兼通卜筮星命  
之術能豫知死日著有南書屋詩稿二卷

○王孝詠字慧音吳縣諸生博洽多聞有幹濟才歷試不售棄

舉業游幕陳恪勤公鵬年張文敬公大有等皆器重焉年八

十二卒著有後海書堂遺文二卷煮石山房集九卷維西雜

記二卷家述

蘇州府志卷第一百二

人物目錄

文苑七

本朝

朱光發

子豫

晉

錢大培

顧鎮

父黃鉞

沈夢祥

曹森

從父吳霞

弟磊

彭和升

吳鼎科

吳泰來

陳師集

沈天中

過春山

王應奎

馬鼇

潘昶

沈闓

顧佑行 族兄時行

汪縉

薛起鳳

緒廷璋

蘇去疾

湯愈

汪元亮

金學詩 弟士模 周允中

張書勳

嚴文豹 陸士坊

張塤

沈樂

袁棟 族人景輅 殷增

孫立綱 父元

俞希哲 父韓 從父武琛

費士璟

吳智

謝希曾

徐德諒 王飛藻 飛藻從兄岱

陳揆

徐堅

黃鐘

諸世器 弟吳城 葛廬

顧惇量

過元眈

刁戴高 父允美

王逸虬 吳山秀

王杯存 從父前 范鴻業 范汝楨 周春

王梁 父維翰

沈日霖 父永

錢忠元

王元文

張家相 父誼

楊復吉 祖浚 父凌霄

蔣業鼎 父仙根 兄業晉

林蕃鍾 子衍潮

翁樹棠

嚴福 子榮 弟徵喬

范來宗

子華 汪美基

顧宗泰

張玉穀

程鐘

殷如梅

陳魁

徐柱臣

子春福 從子嵩

蔡廷傑

子瓏

吳舒帷

趙振業

吳蔚光

程際盛

施源

錢榮

張鳳翼

父光焯

張邦弼

豐雲 王元辰

顧禮琥

韓是升

韓豐

族兄詩

尤世楠

祖怡 子維熊

吳翌鳳

沈清瑞

祖驚遠 兄起鳳

子沂曾

沈沾霖

兄汝霖

王芑孫

趙基

子齊嶧 孫雲球

史善長

郭淳

陳鶴

楊奕 彭

徐頤

費卿庭

顧元熙

李銳

李福

周鉢

徐文錫

張思孝

顏懋功

張海鵬

席世昌

沈棟

張卓

姚輿

俞蘭臺

張海珊

陳大庚

吳卓信

吳溥 弟培

費士璣

蔣華 從弟廷恩

潘奕基

蘇州府志卷第一百二

人物

文苑七

本朝

○朱光發字澗夫長洲人乾隆辛未進士官禮部主事歸主游  
文書院詩文超卓具有根柢教澤多所成就士心悅服子豫

皆舉人常昭志

○顧鎮字備九常熟人父黃鉞諸生好讀書經史皆丹黃九深  
於詩性至孝居喪有雙白燕飛舞苫次良久而隱鎮始為  
名諸生鄉舉後授國子助教登乾隆甲戌進士遷宗人府主  
事以年老引歸先是陳司業祖范主紫陽書院鎮往執弟子

禮一切經解史義往來辨難穿穴詣微居京師遊黃崑圃陶  
晚間之門學益進以經師著名厯主金臺虞山白鹿鍾山書  
院所成就多聞人嘗佐蔣文恪公撫湖南凡簿書章奏兵刑  
錢穀皆司其成所著虞東學詩十二卷三禮劄記十帙古文  
十二卷詩若干卷他如支溪小志錢法考二書則皆水利食  
貨可見諸施行者

常昭志

○錢大培字樹棠號翼齋震澤南塘港人霑曾孫之青之子少  
隨父宦遊受業於同邑趙宗堡稍長遊京師見知於嘉興錢  
成羣山陰胡穉威中乾隆壬申副貢父卒喪葬祭法一遵家  
禮居家不苟言笑子弟訢訢有萬石之風與人交質直盡規

事母孝父故廉吏大培又不治生產盡失其業及子弟成立  
遂遨遊四方所至公卿倒屣迎之厯主廬江潛江青州松林  
齊寧章邱諸書院陸燿為山東布政使招入幕中燿于人少  
許可獨愛敬大培燿陳情歸巡撫國泰招致之辭不赴燿巡  
撫湖南又往依焉燿沒乃屏迹鄉里所居周家溪水窗茅屋  
蕭然吟咏自得於書無所不讀尤肆力于詩精研六書之學  
晚選盱眙訓導赴任甫兩月卒著有餐勝齋集若干卷子錫

曾邑論生早卒

江震續志

○曹森字卓亭震澤人乾隆壬申舉人工詩古文辭兼工行楷  
隸書官南陵訓導卒於官著有竹汀詩文集弟磊字峻岳亦

邑之高材生從父吳霞字象雷乾隆壬午副貢生亦績學士

著有五代節抄翠亭遺稿

錢輝黃溪志

○沈祥字南耘吳江人乾隆丙子舉人少日讀書中峯山沈

潛刻苦精於制藝言坊行矩里黨稱端人三十四年選靈壁

汝諭先是主講直隸南皮書院南皮與靈壁兩邑向鮮聞人

夢祥至悉心訓迪啟其荒陋遂多登科甲者詩古文清真雅

淡不落纖縟著有嘆堂存稿行世

江震續志稟

○吳成佐字贊皇號懶庵其先自松江遷于崑山後遷郡城之

葑溪屢試不售遂絕意進取肆力于詩古文詞兼治經史論

斷頗見卓識杜門不求人知垂老猶坐臥不離書家素封樂

善急公乾隆間曾助餉賑飢 恩敘知府年七十卒著有

經史論存四卷詩文稿若干卷

家述

○彭紹升字允初號尺木慕高忠憲之學劉遺民之入廬山又

號二林忠憲講學地名東林廬山遠公社亦名東林故也長

洲人尚書啟豐第四子性純孝中乾隆二十二年會試遭疾

歸旋丁母憂居喪毀甚二十六年補 殿試尋選知縣不就

紹升自幼治古經注疏窮日夜不休善考鏡史書得失思有

所疑樹旣因諸兄仕內外遂留侍尚書不離左右壹意治宋

明儒先書治古文辭出入于韓李歐曾久之復參佛乘好方

山永明之書斷肉食嚴戒律究心於內典最深故爲人有特

立獨行之想人謂不免賢智之過其實尙氣節好利物濟人發爲文章多載道語要非異端者流所可例視也尙書旣歿門滿密課設近取堂以周士族孤寡放生施衣施棺刻經願與人爲善醵信善金成之又置潤族田若干畝宗黨貧者日久賴之嘉慶元年作辭世偈跌坐而逝年五十七所著有二林居集觀河集測海集一行居集居士傳行世妻費氏亦長齋奉佛先卒

○吳鼎科字廷寶先世居浙之山陰父象賢官淮安海贛同知鼎科隨父任父歿後入元和學從常熟陳見復無錫顧復初遊淹通經義年二十七著四書考正譌乾隆己卯中本省鄉

魁官蒙城教諭戊辰秋豫省黃河水溢渦淝二河下注百姓田廬傾壞縣令因公他出鼎科飛稟上官設法堵塞不辭勞瘁又請于郡守於蕭公橋等處築壩次年黃水至而不爲害民咸頌之晚歲歸里營一室曰安樂舫羅列經史百家考索不倦年七十卒

家述

○吳泰來字企曾號竹嶼長洲人乾隆二十五年進士二十七年迎

鑾獻賦

召試以內閣中書用泰來意致蕭閒才

情明秀有別墅在木瀆曰遂初園其中藏書數萬卷多宋元善本日與江浙名流爲文酒之會作詩一本漁洋吳中數十年來自沈德潛外無能分手抗行者中年自定其稿爲硯山

堂集十卷惠棟序之餘稟皆藏于家吳門補乘

○陳師集字上語震澤人少刻苦力學于十三經注疏及宋儒  
性理諸書靡不研究鈎貫發為制義皆有根柢識者以為可  
繼何焯王汝驥肄業紫陽書院為巡撫莊有恭許可舉乾隆  
二十五年鄉試官通州學正孫封諸生好學工制義早卒江震

稿續示

○沈天中字蘭初吳縣諸生初習舉業屢躓鄉闈又連遭王父  
母喪遂棄而討究素問難經兼修性命微旨恬然自得以致  
其身平生樂赴人之急視他人事不啻如已事好為詩尤善  
章草懸腕中鋒得魏晉人筆法彭啟豐傳

○過春山字葆中吳縣人諸生與沙維杓吳泰來朱楷張岡諸  
人為莫逆友詩宗王孟韋柳澄鮮幽逸妙悟天然自出清襟  
不由襲取沈德潛采入別裁集中春山博通羣籍尤精于新  
舊唐書嘗為補遺糾謬惠棟極稱之未及成而卒年纔二十

九湖海詩事

○王應奎字東淑常熟人諸生嗜學汲古至老手不釋卷古文  
博綜典贍中有修潔之致詩品更高不拾人牙慧同邑陳祖  
范三峻輩雅重之凡郡邑志乘之役必咨訪焉著有柳南文  
鈔詩鈔柳南隨筆續筆其所選海虞詩苑搜羅遺佚尤見闡

幽苦衷常昭志

○馬鼇字駕六吳江蘆墟人郡學生雍正十三年歲貢乾隆元年保舉孝廉方正未及奏聞而卒時年五十四有先儒粹言

二卷行於世 江震續志稿

○潘昶字景昶吳江人參議有功之後少讀書通大義補邑諸上後學詩於計默嘗作歷朝宮詞一千首又工為古文詞既讀楊園張履祥書益奮志於聖賢之學集漢以下大儒自董仲舒至陸隴其等撰傳二十四篇志向往之意乾隆元年縣聘纂修邑志所撰名宦文學藝能列女諸傳悉有體要嘗以世俗喪祭多不合禮因纂家禮居行錄又有志學編四書質疑文集若干卷卒年五十五 平望志

○沈闓字師閔吳江人博學好古不屑治舉子業善古文辭嘗以韓文為文章軌範輯數十篇詳明其義法成韓文論述一編沈彤極推重之謂近世善論古文之法者惟桐城方苞與闓也當時以為知言乾隆九年應縣聘纂修邑志明以前人物皆其所纂晚年杜門謝客詩格蒼老有杜詩箋注疏抉極

精稿藏於家 江震續志稿

○顧佑行字受基吳江人邑諸生博極羣書精于考證何焯極推重之李馥沈德潛皆延致家塾相與討論於六書音韻之學尤多心得佑行敦行誼為鄉黨所稱兄子泰婦貧老無子畀衣食二十年所著有西津集其族兄時行字尊夏諸生通

經術著毛詩音訓周禮注等書莊泰同里志

○汪縉字大紳祖懋琳自休寧遷于蘇父元僚早卒母程氏以節婦旌表縉吳縣貢生一意治古文覃思奧蹟游刃百家積滿而流沛然無阻里人沙維杓見其枯題等作曰此老杜先天詩也嘗主建陽書院以正學道諸生已而歲荒輟歸教授里中生平志趣殆不可測嘗作無名先生傳云先生講學不朱不王先生著書不孟不莊先生吟詩不宋不唐先生為人

不儼不狂先生處世不圓不方一子殤立從孫玉藻為後著有汪子文錄其友彭紹升刪存十卷吳門補乘

○薛起鳳字皆三又號香聞居士吳縣人舉乾隆二十五年鄉

試少孤依其舅比邱廣嚴廣嚴隱于卜得錢資起鳳從師問學起鳳聞師訓輒領解性孤冷非其意所深契終日相對無一言遇同志則議論灑灑不少休家雖貧每急人困有師周鹿原老無依資之入支硎山卒為斂葬焉其姊家負人百金將沒前數日出金為盡償之人尤以為難居常好為詩思深味隱耐人尋索既歿其友彭紹升錄其稿刻之吳門補乘

○褚廷璋字左峩號筠心長洲人少稟異質乾隆十八年選貢授太和教諭二十二年迎

鑾獻賦 召試賜舉人以內

閣中書用充方畧館纂修於準夷回部山川風土最為熟悉奉

敕纂西域圖志書成賞緞二匹接纂西域同文志并通等音字

母之學二十八年成進士選庶吉士授編修累遷侍讀學士

尋以大考降官母憂歸僦居崑山未幾卒廷璋以文章受

上知三典省試四校禮闈視湖南學政所至以得人稱奇豐額

熊枚皆出門下詩初學青邱既學元白書法出入右軍大令

間性好推解姑適顧姊適高孀居無依攜養京邸故人顧虛

齋窮而來歸生館死殯不少吝其厚德類此吳門補乘

○蘇去疾字獻之常熟人乾隆癸未進士由庶吉士改刑部主

事出為知州與世聱牙遂謝歸去疾樹節孤峭天懷高曠詩

極清遠蕭澹樂府尤古質奇奧家居三十餘年杖履逍遙視

聽不衰虞山人指以為仙著有藝園詩集湖海詩傳

○湯愈字文起常熟人明祁州學正洪裔孫年十一為福城塔

賦有雋語及長坐臥一小樓哀集圖史日夜討習不休從陳

祖范遊盡通諸經於易書三禮春秋國語論孟辨論考証有

經義解疑詩古文集若干卷舉於鄉京師前輩宿學聞愈名

願得見見則以曲臺記中散事為問愈條繫演說卒無以難

與休寧戴震同里顧鎮交上下其議論乾隆癸未成進士未

謁選卒愈湛深經術更篤於倫理主梅林書院士林咸敬仰

之常昭新志

○汪元亮字明之號竹香元和人少工制藝年十八受知學使

夢麟有聲庠序惠棟深器之博通經史兼漢宋之學善詩古文詞又喜老佛二氏言乾隆壬午舉於鄉與戴震任基振相親善益究心經史諸子百家皆窮索研究又與同里江聲交往來討論相切磋焉會試者五卒不遇後得心疾乃歸旣而嘉定錢大昕來主紫陽書院講席金壇段玉裁嘉定王鳴盛寄居吳門日相討論吳門之學稱極盛焉嘗曰今漢宋二學分門戶然非也宋論理漢考制度名物皆不可廢曷得大聖人出而論定以息諸家之喙乎歿後遺書散佚論者惜之興

詩述

○金學詩字韻言號一雅吳江人尙書士松弟垂髫已淹通經

史年十六補縣學生乾隆壬午舉順天鄉試補國子監學正遷助教充四庫全書分校官以校書精核奏改覆校官丁母憂歸遂不出前後主瀋陽青州儀徵笠澤松陵諸書院其教首立品次文藝指示得失惟詳河間紀昀督學於閩諸城竇光鼐督學於浙學詩皆在幕中試竣必泛扁舟討名勝遠近遊屐殆遍晚號夢餘道人其言曰差可自信者不取非義之財不交無益之友不緣飾以博名不欺諱以文過雖自道皆紀實云所著有播琴堂文集六卷詩集十二卷四書卮言五卷歷代年號譜六卷無所用心齋瑣語砭俗芻言牧豬閒話壤廣錄若干卷

吳省蘭撰墓志

弟士模字端範邑諸生英敏好學早

蘇州府志 卷一百一十一  
卒士模妻吳氏婉淑知大義夫死欲殉家人防守不得間逾  
年亦卒家述同邑有周允中字礪阿歲貢生以詩名於時著有

澹愉堂詩集江震志稿

○張書勳字在常號西峯吳縣人乾隆丙戌一甲一名進士官  
修撰晉春坊中允入直 上書房績學工文章書法趙文敏  
肖其神丁憂歸一日方爲人書壽幛未竣忽擲筆而逝無子  
所著詩文散佚無存

○嚴文豹字贊夏常熟人少時作秋日洞庭賦有風騷遺韻長  
益好學嘗病三通浩漫積十年之功成合編一書又著編年  
要覽十六卷測天要法八卷叢書輯要六卷兼善書法得李

北海筆意舉於鄉遊京師考充官學教習因親老假歸生平  
與湯進士愈陸孝廉士坊相友善互相切磋湯之學精嚴之  
學博陸亦天資秀發然皆不永年士林惜之縣志

○張埴字商言號瘦銅吳縣人乾隆三十年順天舉人官內閣  
中書詩才橫厲硬語獨盤學於山谷后山沿於文長中郎生  
平與大興翁方綱陽湖趙翼友善故考証金石及書畫題跋  
詳贍可喜湖海詩集

○沈樂字夔典號柳堤吳江人宗湘姪性穎敏少卽研究經史  
百家不屑屑爲時藝又得程子讀書養氣之旨終日一編危  
坐不聞警欬聲搦管爲文昌明細密深合古人繩度耽於聲

韻蒼萃唐宋諸家掇其菁英遊河間紀昀之門詩遂大進生平內介而外溫為諸生十年舉乾隆乙酉鄉試入京師不輕謁貴人之門乾隆五十年 恩賜國子監學正卒於京邸

江震續志稿

○袁棟字國柱一字漫恬吳江同里人初習帖括屢試不售乃專心汲古自唐宋以來經世大典靡不窺尋所著有書隱叢

說三十九卷禮記類謀三十六卷漫恬詩鈔漫恬詩餘四書

補音玉田樂府若干卷沈德潛撰傳族人景輅字質中邑諸生遊

沈德潛陳祖范之門所輯松陵詩徵頗有裨於邑志著有小

桐廬詩鈔同里志後同邑有殷增字曜庭家多藏書好著述繼輯詩徵前編續編他所撰尚多見藝文內

○孫立綱字立三吳江人諸生父元亦諸生工詩與同邑李重

華沈宗湘等相唱和有歲寒社立綱幼穎悟絕倫讀書過目

成誦其學問務在精思善古文詞峭拔不羣詩尤俊邁畫師

倪瓚家極貧中年羈旅晚城姑熟間性耿介有太瘦生稿若

干卷江震續志稿

○俞希哲字天木一字子與先世本休寧人康熙末遷吳江同

里父韓字石洲雍正癸卯進士授鞏縣知縣未之任卒韓弟

武琛字載詵乾隆丁巳進士亦早卒希哲少孤能以詩文守

其家聲補邑諸生年未四十亦卒所著有毛詩私箋文選補

註杜詩臆說俱未成成者惟古詩疏解子與遺稿江震續志稿

○費士璟字儒珍震澤人性讜直果敢有為練達世務尤留心  
邑中利弊家貧不治生產以著述為事所著有桂森齋雜錄

攸好齋咏古詩

江震續志稿

○吳智字始乾號賁園元和歲貢生少務經世之學博覽經史  
旁及諸子風烏王遁靡不精曉平生意氣磊落以古賢豪自  
負而終不克遂其志乃絕意科名退修一室以老

○謝希曾字孝基吳縣人少習舉業屢試不利專心理學尤邃  
於易著有學易指南二卷素慕古賢豪節義見彭氏所藏先  
賢像假歸臨摹百二十有四詳摘事實各載一傳於後其尚  
友如此好古名人書畫善鑑賞以家藏碑帖勒諸石自晉迄

明共八卷名禊蘭堂帖精小楷得褚虞筆法喜作山水得董

巨倪王之神云

彭蘊章述

○徐德諒字尹達崑山人乾學孫駿次子少耽吟咏從長洲沈  
德潛學遊庠受餼後一肆力於詩妻蔣氏亦能詩偕子女輩  
互相賡唱晚遊秦中得江山之助詩益工卒年五十二其後  
邑人杜羣玉哀輯同時詩人為五家遺詩德諒實為之冠餘  
則顧鼐朱兆曾王飛藻唐洪緒也飛藻字懷青舉人歧武孫  
童年補諸生才名籍甚新陽令康基田曰為國士延課其子  
甚相引重乙酉選拔入成均晚受睢寧教諭卒官從兄岱字

雲接景獻孫亦以詩名

崑新志稿

○陳揆字聖符震澤梅堰人邑諸生殫心于古自天官地理以

及聲韻卜筮算數之學靡不究其精微居恒惟以著述是務

有廣史斷事類駢珠韻徵聊存稿

江震續志稿

○徐堅字孝先號友竹吳縣人居光福里八歲能應聲屬對徐

編修葆光器重之長工書畫喜篆刻歷遊京師臨清諸處所

至輒倒屣驚座繼客楚南依巡撫陸燿盤桓不忍去至護其

喪而歸事兩兄若父晚年割田奉其仲家居十年卒年八十

餘所著有親園詩鈔西京職官印錄行世

湖海詩傳參墓志

○黃鐘字律陽崑山人幼負異稟有神童之目為諸生名噪士

林遊學靖江受古文法於新安程峯峯桐城方苞高弟也故

學有源委下筆千言一衷於義法生平不預戶外事讀書課

徒門牆極盛晚以歲貢授阜寧訓導阜邑學官分理民事鐘

以非分辭課諸生不異平時乞歸卒年七十三鐘工詩兼善

書畫

崑新志稿

○諸世器字景筠又字敬甫崑山人父如南能詩世器四歲時

教以字即私劈葱葉擬書之點畫無訛年十五於羣經傳紀

應對縱橫不窮為名諸生貢成均試南北闈十餘次卒不遇

乾隆壬午以 南巡獻賦 召試已擬進呈尋以小誤報罷

生平篤志古學嘗東極海隅西走甘涼北遊燕趙所過郵亭

旅邸中隨時記錄所著詩釋地休寧戴震稱其考証明信他

撰述甚富夙具至性厚於師友母嘗失明屏酒肉葷辛以舌  
舐者二年日復明待兩弟以友愛著少師諸生沈方泰梓其  
遺詩以傳卒年四十九弟吳城字襄甫諸生精制舉藝兼工  
詩鎮洋畢沅開府西安以書招之謝弗往次弟葛廬字耕甫  
幼受學於世器補武生非其志也與吳城並以詩稱於時

崑新

志稿

○顧惇量字萬陶崑山人明贈少保恂十一孫家貧力學夜無  
油燈掛一編於籬落間月上誦百遍始寢為諸生試輒冠軍  
以優貢入成均授南匯訓導學宮就圯至即設法興修又創  
建尊經文星二閣內艱服闋補甘泉士從遊日衆丹黃甲乙

矻矻忘疲以疾歸揚人士為立石紀之惇量所著詩古文馴  
雅有法族祖登重修邑志屬惇量主其事邑志自萬歷間修  
輯後經明季兵燹紀載舛漏 國朝康熙間邑令董正位主

修又未竟惇量苦心哀集三閱寒暑始就文獻藉以不墜卒

年六十六

崑新志稿

○遇元收字穆君號夢園長洲人少習舉業屢試不利遂棄去  
專力於史學上下古今治亂盛衰之際著廿二史言行畧四

十二卷

家述

○刁戴高字拱辰號約山先世慈谿人其祖始家常熟父允美  
自號樂真翁工筆札美談論戴高攻苦力學受經於孫瓏學

書於趙廷琦爲諸生再入省闈遂謝去專肆力於古居市南一室環堵簡編錯列書法顏柳詩宗韓孟九究心小學事母病衣不解帶者半年授徒束脯皆以供親所著詩集若干卷

常昭志

○王逸虬字青灘吳江人諸生家貧力學於書無所不窺借抄纂輯繩頭字冊多至百十卷耽於詩古文出入於宋元明諸大家倡結春江吟課偕同志談論窮高極渺性坦易譽之不喜侮之不怒著有青灘前後集同時有吳山秀字晚青震澤貢生讀書敦行不涉時習工制義詩宗三唐沈德潛甚重之

江震續志稿

○王杯存字妃望吳江同里人廩生事親孝每日必親具甘旨工舉子業少師其叔父前及同里范鴻業下筆皆有根柢試輒冠其曹金壇王步青謂其文神似龍門爲人謙謹叩以學原原本本大小皆鳴自幼熟精文選其詩亦無浮響有定中詩鈔前字魯原府學廩生鴻業字佑商鴻業兄汝楨字寧求皆邑廩生制義有名於時

同里志參王曾翼居易堂詩集

同邑周脊字誠哉

早慧爲諸生屢試不售以教授終於家著有春秋說疑續左傳類對賦綠香書屋集若干卷

同里志

○王梁字紹曾吳江平望人父維翰以青浦籍貢生官望江教諭望江自明季以來遭流寇學舍頽廢捐俸修葺有學圃賸

稿梁少不羈及壯始折節讀書遂以詩名吳下性至孝親墓在月湖築丙舍其旁老猶孺慕與王藻稱平川二王有親庭

詩稿

江震續志稿

○沈曰霖字驥展號紉芳吳江人祖自顯字子發

見邑志孝友傳

父永

字雷淵歲貢生日霖工愁善病長於駢體驚才絕豔無語不

新於陳其年吳蘭次章豈績外另樹一幟嘗客遊桂林有粵

遊詞二卷及粵西瑣記又著小瀟湘詩草若干卷晉人塵二

卷生前處境獨惡竟以無嗣終同邑楊進士復吉采其粵西

瑣記及晉人塵入

昭代叢書

江震續志稿參楊復吉叢書題跋

○錢思元字宗上號止庵世居浦莊父廷熹早亡母顧氏勵節

撫孤膺 旌典思元六歲侍母徙居郡城幼即嗜學四十後

覃精考訂之學從沈德潛學詩著怡雲小草宗晚唐而不落

于纖博考羣書一意著述有吳門補乘十卷四易彙乃成又

輯易詩書禮春秋論語孝經諸緯及兔園類記吳門軼記吳

門軼事止庵隨錄止庵聞見錄止庵日記怡庵隨錄嶺表錄

異補輯夷堅志補遺等書卒年七十四

韓豐撰傳

○王元文字翠曾吳江黃溪人歲貢生少貧苦發憤於學為名

諸生陸燿為山東布政使元文往謁相得如平生燿稱其讀

書好古根柢盤深發為文章沈浸醲郁歸後惟以著述為事

所著有北溪詩文集若干卷

江震續志稿

○張家相字默存崑山人父誼字无躁幼雋異爲先達王喆生賞愛肄業紫陽書院布政使鄂爾泰見誼古文詞曰爲國士無雙館之春風亭優禮甚至後專意根柢之學嘗取自漢以來六經義疏網羅考索約衆說以參其是成筆疑一書家相工詩文援筆立就乾隆辛卯成進士邑故有玉峯書院久廢己卯歲山西康基田令新陽卜地重建屬家相督治旣成家相爲設法置膏火及登第當道延主院事一時造就多知名士未及仕而卒

崑新志稿

○楊復吉字列侯號慧樓震澤人祖浚字景伊雍正丁未進士廣西興業知縣浚才穎而捷爲詩文不起草有所獲輒書於

牆塗抹旣滿命汚人堊之閱日復滿四壁爲知縣以文雅飾吏治進邑中名士飲酒賦詩每案牘充積吏抱文書摘紙尾請判後升堂面審不崇朝斷決無少偏枉去後縣民建祠祀之所著有一齋詩集

江震續志稿

父凌霄字範周郡庠生復吉生

有神童之目九歲通經書大旨十一歲應童子試縣令黃巖王銘錫愛其才妻以女乾隆壬辰成進士歸時年未壯卽好樓居擁書萬卷手不停披古文說部寓目殆遍嘉定王鳴盛主笠澤書院復吉以弟子禮往謁鳴盛與商推古今深推重之銓部截取引疾不謁選大江南北賢士大夫咸重複吉文行道經松陵必造廬過訪篤志好學至老不倦孝友耿介根

於天性好誘掖後進見一善卽稱道不去口晚年足跡罕出  
 戶外惡衣蔬食泊然自安常謂日對古人此中自有真樂若  
 鮮衣美食反覺無味常詠呂仲實句不敢妄爲些子事祇因  
 曾讀數行書人咸服其學與品云卒年七十四著有詩集十  
 二卷詩餘四卷文集十卷夢闌瑣筆十六卷夢闌續筆八卷  
 史餘備考一卷所纂輯有遼史拾遺補五卷元文選三十卷  
 昭代叢書五編共二百五十卷虞初餘志二十四卷虞初餘志  
 補八卷 國朝七家樂府三帙藝苑碎珠二帙其餘雜著有  
 元稹類鈔燕窩譜等書家述

○蔣業鼎字升枚長洲諸生深之孫父仙根貢生工書乾隆辛

未

上南巡恭繕

御製盛京賦進

呈丁丑

南巡又繕漢

王褒聖主得賢臣頌進

呈兩蒙文綺之

賜業鼎承其

家學酷嗜書爲文娟妍靜好求底於極工其于詩亦然家有  
 交翠堂前西疇閣稍偏倚梧巢又西蘇齋前後皆池水映帶  
 花藥環之堂中儲書數千卷前人名蹟數百冊石刻之精美  
 完好者尤夥客至往往窮日移夜翻閱不能舍卒年二十有  
 九兄業晉以舉人爲湖北漢陽同知工詩著有立厓詩鈔王昶

撰傳參家述

○林蕃鍾字煜奇號蠡槎先世自閩遷蘇之長洲少孤從同里

沈懋祖學沈愛其早慧以女妻之舉乾隆戊子鄉試性愷悌族人親死不能斂者為具棺木同年生死遺寡妻貧且病貸金累鎰周之交友以急告傾囊與之與人同行入指所識妓門曰吾故人家也牽之入覺其給已遽引去或招飲于舟坐有妓即辭以疾登岸脫歸其猥潔如此善書力追唐宋諸大家尤嗜董文敏得其神似嘗慨師道放失子弟之率不謹而婦女習為惰媮著師法一編閩範一編外詩二卷蘭葉詞一卷為婁縣教諭未幾卒年三十九

彭紹升撰傳 子衍潮字孟韓幼孤敏而好學不喜為時文舉業母令就試補長洲諸生文宗韓柳兼擅雜家之長詩刻苦不輕下筆又工書法父所遺

古碑墨蹟臨摹皆遍年二十六卒著文八卷詩六卷

家述

○翁樹棠本名起璜字韜伯號若泉長洲人舉乾隆辛卯鄉試壬辰取內閣中書改授國子學正充武英殿校閱篤學嗜古有著述行世

○嚴福字景仁號愛亭世居吳縣之洞庭東山少敏悟工制義舉乾隆壬午順天鄉試己丑會試後以中正榜授內閣中書乙未中會試第一選庶吉士授編修充四庫全書館校對

武英殿國史館方畧館纂修己亥典試河南

一年派教習

庶吉士又二年入上書房旋丁母憂服闋仍命上書

房行走五十七年卒于京

王昶撰傳 子榮字瑞唐乾隆乙卯進士

入翰林出知杭州府事有惠政道光元年卒于家先是福嘗欲置義田以贍族未行而卒福弟徵喬字椿年捐資二千金置義田族中孤寡賴以存活

家述

○范來宗字翰尊號芝巖吳縣人舉乾隆庚寅鄉試壬辰以中正榜授內閣中書乙未成進士官編修十餘年乞養歸父歿遂不復出爲文正義莊主奉二十餘年百廢具修增置義田一千八百畝族人賴之嘉慶十九年重游泮宮二十二年卒年八十一著有洽園詩藁十六卷子華字開衡以廩貢生就訓導職亦能詩同時有汪美基字配瞻長洲廩生讀書敦行誼少受學使李因培之知李家滇南歿後子姓不能歸美基卜地爲之營葬年七十八與范皆重遊泮宮士林羨之

○顧宗泰字景嶽號星橋元和人登乾隆四十年進士爲諸生時試輒冠軍與吳縣諸生劉璜齊名家有月滿樓文酒之會無虛日袁枚謂其詩才清冠等夷海內知名之士無不交投編紵今之鄭當時也官吏部主事洊擢高州知府罷歸

吳門補乘

○張玉穀吳縣人善書工詩尤長樂府同邑程鐘字自山居西磧山下曰逸園妻號生香居士夫婦皆能詩

吳門補乘

○殷如梅字果園元和諸生工詩筆瓢屢空嘯歌不輟錢穀居節一流人也其詩爲王昶袁枚所稱

○陳魁本姓吳字經邦又號雪竇長洲歲貢生家貧僦居陋巷

中三旬九食詠歌不輟性介不妄交體羸善病而詩筆道健  
沈德潛周準皆器之卒年八十有一所著雪竇詩鈔門人張  
思孝釐定三卷梓行

○徐柱臣字題客崑山人乾學曾孫炯之孫父修仁字用晦以  
鄉薦歷官普洱知府柱臣少補諸生天姿敏妙贅丹徒張氏  
與妻兄冕師事宜與儲大文濡染既久造詣益深詩詞瑰瑋  
淵雅尤精書法得二王風骨晚寓維揚跌蕩詞場以終其身  
子春福字道庚吳縣廩生能以古學世其家從子嵩字景堂  
號朗齋父虎臣贅無錫顧氏嵩遂以金匱籍舉乾隆丙午鄉  
魁後更名鏞慶官蘄州知州少具雋才工詩古文詞癸卯秋

闈嵩卷已擬元以三場違式被貼主司謝墉刊其遺卷行世

由是名益起公卿貴游爭欲羅致之嵩亦雅自負一官落拓

竟以憂瘁死士林惜焉

崑新志稿

○蔡廷傑字公旦由崇明徙崑山之千墩及壯補諸生設教里  
中矢志清嚴其學務融會前儒箋故義疏兢兢以明聖學挽  
靡風爲己任謂學者雖歷困窮不可不激勵志氣嘗構丈室  
曰起亭作起亭說曰子初適淞南學者競尚華言飾行簡蔑  
禮法聖賢實學渺若河漢予力拯其溺二十餘年狂瀾稍息  
卒年七十一門人私謚恭定先生子瓏字文翰謹身飭行以

郡學生貢成均官含山訓導

崑新志稿

○吳舒帷字濟儒一字古餘震澤人明孝子璋之後曾祖時霖號南浦逸人以隱逸終父安國讀書篤行爲名諸生舒帷少凝重不事嬉戲六歲入塾過目成誦刻苦自勵年十二自經史以及莊騷唐宋之文靡不精熟貫串爲文日可構數十義補邑諸生肄業紫陽書院沈德潛稱其文有古大家風乾隆三十九年魁鄉試四十三年成進士改庶吉士爲同館所推重秀水錢載爲教習深器之授編修歷充 武英殿 國史館纂修官分校四庫全書悉心纂輯擢侍讀典山西試遭父喪旋里主講雲間書院卒年五十四著有入粵編書解一二三經傳述源流六經同異得失考廿一史鈔畧等書同邑趙振

業字開宗明巡撫士諤之後與舒帷同舉於鄉官石埭教諭

著有左傳匡謬

江震續志

○吳蔚光字哲甫號竹橋昭文人乾隆庚子進士選庶吉士改禮部主事乞假歸優游於湖山詩酒者二十餘年卒年六十

著有素修堂詩集小湖田樂府若干卷

湖海詩傳參素修堂詩序

○程際盛原名炎字煥若號東冶長洲人乾隆庚子進士由中書官至御史所著有稻香樓詩集說文古語考禮記古訓考周禮故書考儀禮古文今文考駢字分箋續方言補清河偶

鈔

○施源字實君號蒙泉吳縣人幼警敏六歲適市見縣官條教

榜歸家背誦不忘稍長日受經書二千餘言十六應童子試  
吳邑令拔置第一院試不售益發憤力學十八補博士弟子  
歲科試屢冠其曹乾隆甲午舉於鄉以 武英殿書黃簽敘  
勞授縣知縣丁父艱起復補舒城丙辰移疾歸蘇之士相  
率受業所為詩古文詞清道高卓睥睨輩流顧不驚名譽隨  
手散去存者僅有愛靜詞一卷 吳雲撰墓表

○錢榮字振威一字湘舫長洲人編修中諧曾孫榮專志舉子  
業夜讀率至五更應童子試輒不利乾隆三十一年補長洲  
學生第一厥後六試棘闈不售志益銳文益純四十四年舉  
鄉試第一先是座主謝侍郎墉夢神人授巨筆上有經天緯

地四字飾以孔雀毛光燄奪目覺而得榮卷遂置解首四十  
六年會試 殿試皆第一 御製三元詩紀瑞座主贈詩

有千古第七人之句我 朝開國以來三試第一者自榮始  
除修撰丁父憂服除入京奉 命在 上書房行走充三

通館纂修 武英殿分校五十四年充會試同考官拔錢楷  
李鈞簡皆知名士五十九年充廣東副考官轉侍讀侍講尋

充日講 起居注官陞庶子嘉慶二年 大考入優等陞侍  
講學士轉侍讀學士充雲南正考官出闈即奉提學之

命四年補內閣學士兼禮部侍郎是年八月卒於滇年五十八  
榮事親孝持躬介親病割股以療通籍後不游權貴之門人

皆重其品

吳門補乘

○張鳳翼字儀廷號芝岡長洲人映葵孫父光焯乾隆丙子舉人官婺源教諭鳳翼幼聰穎有神童名登乾隆辛丑進士以知縣用就教職選太平府教授丁母憂歸服闋補鳳陽府教授引疾不赴卒于家年七十一所著四書句解景行錄清河逸事自訂年譜詩古文詩餘若干卷

家述

○張邦弼字清臣一字補梧長洲人幼敏慧絕倫六七歲時詣里中師授讀琅然如夙誦未冠之年文譽已藉甚既入學歲科屢冠其曹劉文清公視學江蘇最賞之每言大江南北才士必首及邦弼次則沈清瑞王芑孫乾隆四十五年舉於鄉

明年會試下第以母老歸未幾得疾五十一年力疾上春官復被斥明年病劇歿於家邦弼於書無所不窺尤注力於詩著有補梧詩鈔八卷同時鄧雲倬王元辰皆能詩與邦弼結雅言堂詩社雲倬字步青乾隆癸丑進士官潁州教授元辰字曜環以諸生終著有芥山詩草

○顧禮琥字西金號莪庭吳縣人爲諸生時文譽滿東南學使試四冠其曹從遊者百數十人如潘世恩吳廷琛皆出其門乾隆庚子舉於鄉甲辰成進士以知縣用需次在家河督李奉翰聞其名延致幕府遂習宣防事宜奏授泉河通判升上北河同知不久卒年五十六有玉遮山房集若干卷

○韓是升字東生母夢日華而生故名號旭亭晚號樂餘東老吳縣學生好讀書不問生產厯主金臺陽羨當湖書院學行爲士林所重爲曾祖貞文先生建專祠修大宗祠先世有賜塋歿於他姓告官贖歸并置田焉又於盤門外買地爲族冢拓其故所有祀田爲五百畝以贍族人居鄉遇事有利害無不言先是官收道殣吏胥索錢動輒數十千小民有破家者是升白大吏禁革之以子封貴封光祿大夫嘉慶 年年八十 賜恩錫耆齡額性友愛待人無貴賤接之如一尤喜爲人排難解紛生平好登山臨水吟咏自適晚作樂餘東老歌以自述所著治隱園叢稿藏於家聽鐘樓詩十卷行於

世卒年八十一

王芑孫撰傳

○韓豐字賓于號又村文懿公茨四世孫長洲諸生性正直恬淡有古君子風家貧老屋半椽頽牀破甑苔盈牆草盈室怡然有自得之趣一生酷嗜臨池得顏忠烈三昧片紙尺牘人爭寶之壯歲喪妻不再娶乾隆十七年弟室火突烟燄負祖母顧出人尤以爲難子穀庭官陝西紫陽簿就養於任族兄詩字嬰傳能書泰來字開土工詩吳門補乘

○尤世楠字文叔元和人祖怡字在京精岐黃術工詩著有金匱心典及北田詩稿世楠性和粹躬門內行嘗謂其子曰人之有祖先猶木之有根本不敬祖先是爲忘本安有離根之

木而能榮長者又謂門弟子曰學者離卻主敬存誠四字更從何處著力工五言詩尤長於制藝試輒冠其儕輩乾隆五十年恩貢嘉慶元年舉孝廉方正授六品銜子維熊乾隆五十四年選貢官雲南蒙自知縣能詩著有二娛詩鈔

吳門

補乘

○吳翌鳳字伊仲號枚庵吳縣諸生先世新安人高祖盧遷蘇州遂著籍焉少好學手鈔書數千百卷多藏書家未見者中年歲應湖南巡撫姜晟之聘繼主瀏陽之南臺書院操行潔白不可干以私既老倦而歸橐中裝惟書籍數千卷而已爲人內和外交父死哭過節一日失明事繼母以孝與人交有終

始友人林蕃鐘爲婁縣教諭病篤以書招之疾馳往林卒爲經紀其喪其篤於友誼如此於學無所不窺而尤長於詩自漢魏三唐及宋金元人詩皆手自選定吳祭酒梅村詩集舊註詳畧失宜翌鳳考訂五十餘年據史傳爲之註所爲詩格律深穩語意和平得溫柔敦厚之旨卒年七十八所撰輯與稽齋叢稿十八卷吳梅村詩集箋註十八卷唐詩選七卷懷舊集二十卷印須集二十卷已刻行世文集八卷詩臆一卷古歡堂經籍畧二卷金石畧二卷漢書考證十六卷歷代帝王統系考八卷姓氏源流八卷字學九辨九卷歧音備覽八卷今韻酌古八卷東齋脞語一卷雨窗懷舊錄四卷遜志堂

雜鈔十卷 國史文徵一百六十卷古詩錄八卷樂府選四

卷明詩選十六卷 國朝詩選十七卷詞約六卷藏於家

顧承

傳參播  
曾沂述

○沈清瑞字吉人號芷生長洲人先世吳江明副使啓裔孫

國初遷郡城祖驚遠乾隆己未進士江寧府教授父懋祖吳縣廩生清瑞早慧讀書強識一時有小鴻博之譽稍長工綴文吳下壇坫正盛往往凌其儕偶諸城劉文清公視學於吳清瑞應童子試劉公呼至堂皇面命十二題分詠吳中古跡清瑞不移晷而成文采斐然劉誦之擊節謂仙才旣而告所知曰余在大江南北獲其雋者一人而已謂清瑞也清瑞初名

沅南劉公曰此生如芝草鳳凰清時之瑞也因易其名乾隆癸卯舉江南鄉試第一丁未成進士年未四十卒清瑞年十六時賦廣陵懷古詩云瓊華有恨無雙蒂明月多情只二分衆豔稱其詞不知爲不永年之讖也詩文祖禰齊梁出入乎初唐四傑間著有羣峯集六卷韓詩故二卷子沂曾字鉢羹一字雱門嘉慶己卯舉人亦早卒兄起鳳字桐威號贊漁吳縣籍乾隆戊子舉人歷祁門全椒教諭工詞曲著有紅心詞一卷及諸雜劇行於世

○沈沾霖字湘葵一字葆真震澤人明副使啓裔孫祖守義父光珠並見孝義傳沾霖少刻苦爲學以家貧幕遊習法家言

舉業亦不廢遊仁和趙佑之門得其指授乾隆癸卯舉順天鄉試官寧國府訓導二十年移疾歸生平篤友于誼兄弟三人築堂曰怡怡晚歲專心學書臨池無虛日卒年七十二所輯有限期集覽刺字便覽所著有蒙求三字經西遊草兄汝霖字栢山廩貢生官徽州府訓導十二年性孝友好學至老不倦卒於官年七十二著有讀易偶鈔虹橋詩稿若干卷家述

○王芑孫字念豐號惕甫長洲人祖世琪有文行官宣城教諭芑孫幼有異稟年十二三能操觚為文既冠為諸生不屑為時俗科舉文字獨肆力於詩古文縱橫兀稟力追古人至京館於董文恭公邸第乾隆戊申

高宗巡幸天津迎

鑾獻賦

召試入格

賜舉人以官

學教習除授華亭教諭所著有淵雅堂詩文集若干卷婦曹

氏貞秀亦工詩善書世方之鷗波夫婦云

秦瀛撰墓志

弟翼孫自

有傳

見忠節門

○趙基字開仲一字約亭居吳江黃溪歲貢生早有文譽劉文

清公督學江蘇嘗檄召江蘇士試以詩古文拔其尤者十餘

人基與焉乾隆庚子甲辰兩應

南巡

召試生平奮

欲自見於時累試輒絀因甚有田數百畝斥棄殆盡晚官金

匱訓導卒年七十著有乳初軒集婁東吟味根小草基長身

玉立頰鼻多髭性長厚其卒也午倦微寐不起視之已奄然

化去子齊嶧字嶽青廩貢生好學喜吟咏手抄書不下數十種著有鶴汀遺詩齊嶧子雲球字炳南嘉慶癸酉拔貢生授刑部小京官早卒

○史善長字誦芬號赤厓吳江黃溪人少爲名諸生從其父客遊秦隴其詩鏗鏘激楚有北地之風旣而從總督畢沅於湖廣苗民未靖楚寇旋興往來荆襄目覩焚突之慘形諸篇什體材似本杜陵而練詞琢句得之謝康樂鮑明遠者居多駢體文尤工所著有秋樹讀書樓集

湖海詩傳參王元文集序

○郭淳字曉泉吳縣人乾隆庚戌進士選庶吉士授編修官數年告歸爲人敦學行無貪競心家貧以修脯自給以制義課

後生多所造就焉年六十餘卒

○陳鶴字鶴齡號稽亭元和人明副都御史瑀之後鶴爲諸生有名嘉定錢少詹大昕雅重之嘉慶元年成進士授工部主事在部行走十年操行修潔不屑奔競出無車馬入直則假于人其于人亦落落寡諧生平不肯受一無名錢居官居鄉惟以教授生徒自給常曰讀得一尺不如行得一寸切切以經明行修爲訓工制義善爲古文詞熟悉史事多所纂述年五十五卒于家

秦瀛撰墓誌

與鶴同登進士楊廷琮字象坤號杏

村吳縣人性開敏達于治體與人交有始終爲諸生時遊幕于山東直隸太守高天鳳倚如左右手登第後官內閣中書

年五十五卒于京

李棻撰傳

○徐頴字直卿一字少鶴長洲人嘉慶乙丑進士第二人及第授翰林編修十七年二月大考翰詹頴名列第一擢侍讀學士充起居注日講官四月出提督安徽學政任滿回京充咸安宮總裁 文淵閣直閣事 國史館總纂二十二年四月特旨命直 尚書房歷少詹事道光元年升詹事充山東鄉試正考官二年升內閣學士兼禮部侍郎再提督安徽學政三年疾終於任年五十二 特贈侍郎銜 賜頴子廕生綸舉人 諭祭葬頴少從元和江聲遊聲傳惠氏學又精於說文頴得其指授其校士亦甚勤云著有經進文若干卷

雜詩文若干卷

家述

○費卿庭字雲臨號朶山震澤人登嘉慶乙丑進士選庶吉士散館歸班候選己巳逢

仁宗睿皇帝五旬萬壽卿庭撰萬字文一篇分五十章章各五十句凡八月始成心力枯耗一目損明詣闕下獻之既而主講徽州紫陽書院以疾歸卒于家所著有經說八十卷稽古編八十卷春秋左傳列國地名考二十四卷 國朝經義考六卷歷朝諱考四卷吳江城隍廟志一卷勾吳俚語考二卷詩集文集若干卷

家述

○顧元熙字麗丙號耕石長洲人嘉慶戊辰鄉試第一己巳會

蘇州府志 卷一百一  
試第二選庶吉士授編修游擢侍講侍讀督學廣東卒于官  
年四十一元熙多病能厲志行慎交游詩古文詞俱雋雅尤  
工制義沈刻清剛可鎮浮靡

○李銳字尚之一字四香進士章瑄從子元和諸生幼開敏有  
過人之資從書塾中檢得算法統宗心通其義遂爲九章八  
綫之學後得嘉定錢大昕指授學益進王孝通緝古算經詞  
理隱奧罕能通者銳與陽城張某共著細草詳論二十術又  
得秦九韶九章算經乃窮究天元一術嘗謂時憲乃致治之  
要因著算法通考惜未成書又有召誥日名攷方程新術草  
勾股算術細草弧矢算術細草開方說皆藏于家銳潛心經

史不屑爲詩文然頗工制義從學者多登第而銳終身困于  
場屋以卒阮元撰傳同時有李福字備五一字子仙吳縣人工詩  
文及書法爲諸生聲譽籍甚其及門亦多登第而福于嘉慶  
庚午始舉于鄉年未六十而卒

○周鉢字寶傳號半樓長洲人課徒自給貧不受人餽有戚屬  
俟其身後語其子曰願任斂葬事其子曰先君子臨歿云束  
脩所入歲有餘貯敝篋中汝啟而斂我葬我足矣若受人餽  
非我子也其介特類如此耽于詩以布衣終年七十有一著  
有半樓詩藁十六卷九興詩述同時以詩鳴者徐文錫字韶符元  
和諸生有竹所詩鈔張思孝字南陔長洲諸生有白華堂詩

○顏懋功字麓莊吳縣人歲貢生學該博試棘闈凡十七次薦而不售著有史記辨證十六卷說古叢編二十四卷讀賦緒言四卷紅酣樓詩稟八卷已梓者惟韻府一隅十六卷年七十卒

○張海鵬字若雲一字子瑜常熟人少入邑庠尚心科舉之學既累試不售則治經史百家家多藏書無不瀏覽擇其世無傳本者彙刻為墨海金壺七百餘卷借月山房彙鈔一百三十五種毛氏津逮秘書十五集版久漫漶取而汰益之廣為二十集計共一千餘卷又重刻太平御覽一千卷生平樂善好施集同人創立從善局施濟鰥寡孤獨捐田若干錢若干

充經費既以經費不充更捐所刻太平御覽書版入局存貯印行為經久計嘉慶二十一年卒年六十二

家述

○席世昌字子侃昭文人少有才名工詩古文辭尤精說文之學乾隆乙卯舉於鄉早卒有說文評本比惠氏校勘多至數倍識者推其賅洽既沒其友人哀輯為席氏讀說文記十五卷里中張氏刻之

○沈棟字字寧一字東田長洲諸生每試輒居高等詩瓣香放翁著有稻香樓詩稿竹香樓存稿

吳門補乘

棟之友張卓字霄階

一字敬庭登第孫吳縣諸生亦能詩著有聽松堂詩文鈔

蔣賡

堽述

○姚輿字英三一字益齋震澤廩貢生少穎敏博覽典籍喜藏書歲科試輒冠其曹屢困省試以家貧幕遊藉入北闈卒于天津同邑諸生俞蘭臺字定甫居嚴墓好學工詩早卒著有晚香堂詩鈔又張海珊字越來績學工文與蘭臺居相近二人甚相得蘭臺卒後數年海珊舉道光元年鄉試第一放榜前已卒

沈寶禾述

○陳大庚字子堅常熟諸生早卒著有周禮序官攷一卷

○吳卓信字頊儒常熟諸生長於經學古文所著經說數種攷證精核晚年遊歷四方益究心輿地之學著漢書地理志補注二十卷嘗至秦中樂其山川風土著漢三輔考二十四卷

餘所著釋親廣義二十五卷三國志補表六卷補志十卷俱未刻

○吳溥字霖施吳縣增生砥行績學十試省闈不售乃棄舉業專攻史學老而不倦著有歷代人物氏族志正續二百四十卷鳴秋草三卷弟培字栽施國子生性孝友好施子嘗欲建始遷祖祠於木瀆西里而未就臨卒命其子苟鶴等繼成之

家述

○蔣華字豹文元和 恩貢生歷試優等從游者輒掇高第華屢薦不售平生樂善好義如修葺學宮創惜字會華贊助之力居多云從弟廷恩字萼輝號香杜早有文譽年六十後始

成進士旋卒

家述

○費士璣字玉衡一字在軒震澤人以歲貢入北闈舉順天鄉試第二大挑以知縣用分發貴州署都勻府通判歸卒於家士璣自少好學不倦專精經術受業於王鳴盛錢大昕之門二人甚器重之著有帝王表見記周易漢學通義四書音証許氏說文重文補錄音韻表家塾邇言遂初軒吟稿等書

家述

補

○潘奕基字汝勤先世由歙遷吳奕藻弟杭州府庠生屢試不售年逾壯遂絕意進取潛心內養日取周易莊老魏伯陽諸書探索玩味自謂於衛生方漸有所得嘗手批史記漢書魏晉六朝以下之文授其子若孫俾知沿流溯源尤熟於南宋朝野雜事江湖集諸家詩搜剔僻澀往往證乾道咸淳兩志之失兄弟先後歸田琴尊山水出入必偕袁枚王昶錢大昕王鳴盛諸人皆與往還倡荅煙霞杖履時在支硎鄧尉間見者咸謂洛陽耆英不是過也家有鳳池園國初顧中丞汧舊居喬木森然曲沼環合偃憩其中所居書策琴瑟置頓悉

有常處見故書碎簡必補綴完整暇則手通鑑一編披覽自得嘗曰讀書可以寡過可以養心吾自樂此不疲也性凝重自奉儉約一絲粟不妄費衣雖敝服之晏然嘗舉以示家人曰吾服之五十年矣所著撰自中年後輒棄去不欲當世目爲文人曰爲學當鞭迫近裏玩物喪志吾不爲也卒年八十

家述

蘇州府志卷第一百一終



70006130

